

Jesucristoi jdovaiye bque Apocalipsis

Mamabhinore coyuhiyebu Juan mch i toivacaiye bquede Jesucristoi jdovaiye bquede mcure. Juan mch barejaqumavu judiovacacu, Galilea amicurijoborcacu, aru Jess i yvaiye mne beor coyuhijeimaracacu. i mamicu Santiago bcque moa boaipecu bch barejaqumavu, Jesi rejaquiy e jipocare mcure. Lucas bch coyuhiyemavu Juan mchi borore Hch 3:1-4:22. Efeso amicuriimarocavu Jesre j aivure cor eipecu barejaqumavu. Iye jdovaiye bquede jrejaquemavu i ce bquede jabova ne boimu Patmos amicurijiahu (1:9). Apevu ne dpiaiyep e, toivacarejaquemavu iyoca paperayocare i cede nore. benita apevu ne dpiaiyep e, toivacarejaquemavu diyocare i cede Efeso amicuriimaroi o apeno imaro i, mcure ne jaetovarburu ybore no jiavure jocar. Toivacarejaquemavu Jesre j aipeva cojijivaivure siete panamia cojijiamiai Asia amicurijobori (1:4). Pecu cabebi majicu ye j i toivacaij bcarre diyocare, benita obedivu ne dpiaiyep e niuja bquede 94-98 d.C. baj i. Caiye ape toivaiye Majepacu Jmenijich yvaiye mamaene coyuhiitucuboque toivaiye bquede ne toivarburu ybore, Juan mch toivacarejaquemavu diyocare.

Juan mch coyuhiyemavu diyocaque i jaino mcarre Jesucristo meacu bajure, nai toivacarejaquemavu mácu mcure caiye iye i jdovaiye baquiyéde

ñ mác̄re (cap. 1). Ina coreip̄eva mácavure Jesúre j̄u aip̄evare siete painoa ñmaroacavu bácvure toivacarejaquemavu paperayocare (caps. 2-3). No yóboi, toivacarejaquemavu par̄are dac̄uyu Jesúre j̄u aip̄eva ñájivure ne j̄u aiye boje, ne majinajiyepo ayu aipe vaiquyede ijāravui buojaijāravuare, Jesucristoi vainí t̄quiyede abujuvai jaboc̄re jar̄avarí aru mamajāravu báquiyede máre.

Juan ñi coȳurī b̄ino

¹ Iye coȳuiyebu Jesucristoi coreóvare daiyu pōevare. Jämenijich coreóvare daicōjequemavu Jesucristore iyede ñre memecaivure, ne coreóvaräjiyepo ayu iye vaiquyede maumena. Que baru ñ daroquemavu cūinách ñi ángelede ji yebai, ñi jādovaquiyepo ayu yure, Jüare, ñre memecayure, aipe tequinore ijāravui. ² Yü coȳuijivu m̄ujare caiye ji jāyi báquede, Jesucristo ñi coȳino mácarõ jāve bajure yure Jämenijichi yávaiyede.

³ Toroj̄uchayu me ñai jāri boroteyu ji toivaiye báquede iye Jämenijichi yávaiyede coȳucaiyyede apevare. Aru toroj̄uräjarama ina jápiaivu diede aru j̄u arī daivu yópe iye toivaiye daicōjeiyepo. Maumena vaiquyebu caiye iye.

Juan ñi meaicōjeino ina Jesúre j̄u aip̄eva cójijivaivure

(Mt 24.30; Mr 13.26; Lc 21.27; Jn 19.34, 37; Hch 26.23; Col 1.18; 1 Ts 4.17; Ap 1.17; 4.5; 5.10; 20.6; 22.13)

⁴ Yü, Juan, toivacaivu iyoca paperayocare m̄ujare, siete paiyajuboare Jesúre j̄u aip̄evare Asia ñamic̄rijoborõi. Jämenijich mearo dacajacarí

mujare bojecbeda ñi me boje aru torojurivu maje ñumei me c̄re dajacarī mujare úque cārijimevuvva. Que dacajacarī mujare Jāmenijicu, ñai c̄c̄ caride, aru c̄c̄ bácu javede, aru dacuyu apejāravure. Aru que dacajarāri mujare ina siete paivu decova curivu Jāmenijicu jaboci dobarō mearo jipocai.

⁵ Que dacajacarī mujare Jesucristo, ñai coyuyu bácu yávaiyede jāvene Jāmenijicurā p̄u ne yaiváiyeta úre, aru mamarumu nacajañu mácu yainore jaravarī, aru cōjeñu caivu ina ijāravucavu jabolare. Ñai Jesucristorecabe uc̄a majare. Majarecabu ñajijurorivu maje ámeina teiye boje. Úbenita ñi ue boje majare, úrecabe boarī jaravaicōjeñu mácu ñi bajure, bojedacuyu majare ñi jiveque, maje ámeina teiyede jaravarī. ⁶ Úrecabe epeyu majare ñi jaboteimara márajivuva aru sacerdoteva bárājivuva máre, maje memecarājiyepo ayu ñi mearore jímure, jípacure. Mearore jíjarāri caivu Jesucristore, ñai paracu caivu p̄ueno cainumua. Quédecabu.

⁷ Jājara. Cristo dacuyume ocopeniboaque. Caivu p̄oeva jārajarama úre, ina úre p̄evaivu bácavu jocucujaravena. Aru caiyajuboa p̄eyajuboacavu Jesúre ju abevu ch̄ori orājarama ne jidue boje, ne jāiyede úre ëmeñure cavarore jocarī. Quédecabu.

⁸ Maje jabocu Jāmenijicu, yópe arī, coyuyube, “Yurecabu báyu bácu aru yóbocacu máre. Que baru cāvu yu cainumua”, arī coyuyube Jāmenijicu, ñai paracu caivu p̄ueno. Que baru u c̄bi caride, aru c̄rejaquemavu javede, aru dacuyume apejāravu baquinóre máre.

*Juan ūi jāino Cristo meacʉ bajure
(Ap 1.8; 2.8; 22.13)*

9 Yʉ, Juan, mʉjecʉbu, maje jʉ aiye boje Jesucristore. Cʉrivʉbu maja úque cūinávʉpe. Yʉ máre ñájivʉ mʉjapedeca. Aru Jesucristo parʉre daibi yʉre máre yópe ūi parʉre daiyepe mʉjare, maje napinajiyepo ayʉ maje ñájiyede. Aru jabotede dacʉyʉme majare úque. Cútecacʉ yʉ jabova ne buoimʉ Patmos āmicurijiauñi, ji coyuñiye báque boje Jāmenijicai yávaiyede Jesucristorã. **10** Nore ji cʉede ñai Espíritu Santo dápiaicōjeame yʉre. Aru jápiacacʉ ji yóboi yávaino bʉjinore, yópe trompeta āmicuriyo japuiyore japuiyepo. **11** Ñai yávayʉ yʉre coyuñáme, yópe arñ:

—Toivajacʉ caiye mi jāiyede caride paperayoca āmʉjʉriyoca cāriáiyocaque. Aru toivariburu yóboi jarojacʉ diyocare diyajuboa siete paiyajuboa Jesúre jʉ aipõevare Asia āmicurijoborõi. Diyajuboa põeva cʉrivʉbu Éfeso, Esmirna, Pérgamo, Tiatira, Sardis, Filadelfia, aru Laodicea āmicuriñmaroai.

Nópe arñ, toivaicōjeame yʉre.

12 Copedicacʉ, jācʉyʉ ūre, ñai yávayʉre yʉre. Copedini jācacʉ siete paíjaraboa põoibua tʉoijaraboa úruque daijaraboare. **13** Aru dijaraboa coricai cāteame cūinácu ñmu. Maja, põevape páyʉ bateáme ñ. Doame ñmʉjʉricaje cuitótecaje ūi cabobaita eaicajede aru buoáme úruque daicãvare ūi ñareba cūináturʉ baji. **14-15** Ùi poda boe matuñiye bateávã yópe oveja poda lana āmicuripodape, aru abobico jujʉrõpe máre. Ùi yacorʉa cojiteavã yópe toa uruiyepo, aru ūi caboba cojidiba bateávã yópe tāure toaijide dariburu yóbope. Aru ūi yávaino

jápurateavã yópe cãratãcuve ãratãcuve bãjinope.
16 Cãvateame ãi purã meapãravãcapurãi siete paivã abiácovare. ãi jijecamure jocarã etavã cãináve boaicarove caipãcapãravãa ãpujidivepe. Aru ãi jiva pêoávã yópe aviá pêoiyepê jãravã coricare.

17 Ji jãiyede ãre, tãcacã yã ãi caboba yebai yópe yaiyã bâcãpe. Quénora tãoáme yare ãi purã meapãravãcapurãque. Aru áme yare:

—Jidãbejacã mã. Yãrecabu bãyã bâcã aru yóbocacã máre. Que baru cãvã yã cainãmãa.

18 Yãrecabu apãcã cainãmãa. Yãvacari yaidéjacacã. ãbenita apãvã yã cojedeca. Aru apãcãyãmu cainãmãa. Quédecabu. Yãrecabu llavede cãvacã yaivã bâcavã ne carõre máre. Que baru yãrecabu baojayã nãicõjeñã pôevare toabo cãiméboi. **19** Que baru toivajacã caride mi jãiyede aru aipe vaiquíyede yóbore máre.

20 Que baru coyãquijivã mãre caride aipe aiyãrõre ina siete paivã abiácovare, mi jãimara cãrivãre ji prã meapãravãcapurãi, aru ijaraboa siete paijaraboa pêoibãa tãojaraboa úruque dajaraboa máre. Diebu aru nãmu Jãmenijicãi jãdovameno jipocamia ubenita jãdovaino caride. Jãvari coyãivã ina siete paivã abiácovape paivãre. Nãrecabu yópe ina siete paivã coreipõevape, Jesúre ju aipõeva cójijivaivã diñmaroai siete païlmaroacavã ne coreipõevape. Aru jãvari coyãivã ijaraboa siete paijaraboa. Dijaraboa recabu yópe siete paiyajuboape Jesúre ju aipõeva ne yajuboa cójijivaivã diñmaroa, siete païlmaroai.

Que arã, coyãáme yare.

2

*Juan ūi toivacaino Éfesocavu Jesúre ju aipõevare
(Ap 22.2)*

1 Que arī, toivaicōjeame yare.

—Toivajacu ūre, ñai coreipõecre Jesúre ju aipõeva cójijivaivre Éfeso ãmicuriñmaroi. Yópe arī, toivajacu mu: “Yópe arī, coyubi ñai cuvacu ina siete paivu abiácovare ūi puru meapûravucapurui, ñai cucu ijaraboa siete paijaraboa pooibua tuoijaraboa jēneboi.

2 Coreóvaivu yu mi memeinore, memecayre uetayreca, aru mi napini ñájiyede máre. Coreóvaivu yu ye buojabecre napiñu poeva ãmenare, aru järi coreóvayre ina, ‘Ñujamu Jesúre ju aivre ne daroimara coyuräjivu Jesús ūi yávaiye méne’, mi majiquiyepo aivre ubenina jäve maru ne coyuino. Que teniburu, coreóvaivu mu Jesúre ju aivre ne daroimara ãmevre. Quénora borocarivubu na.

3 Coreóvaivu yu uetubecuva napiñure mi ñájiyede yure boje dajocabecuva.

4 Ubenita cüináro mi dainore ãmeina jäivu yu. Quijino bajuta uvu mu yure caride. Mamarumure úteavu mu yure pare mi ûmei. Ubenita caride dajocaivu mu mi uede yure.

5 Caride ãrujacu yure javede mi pare ue báquepe. Chüori jaruvajacu mi ãmeina teiyede. Aru oatuvajacu mi daiyede, dacuyu yópe mi daiye báquepe mamarumure mi coreóvaiyede yure. Pare úteavu mu. Ubenita que daiyubecu baru, ubecu bacuyumu mu yure. Que baru mi yebai dari, mi pooibua tuoijarabore ñi, nuvacuyumu dijarabore mure jocarí.

6 ’Ubenita cūináro mi dainore me jāivu yu, mi āmeina jāiyede ina nicolaíta āmicūriyajubocavu ne daiyede. Yu máre āmeina jāivu ne daiyede.

7 ’Caivu me jāpiajarā ñai Espíritu Santoi coyuyede Jesúre ju aipōeva cójijivaivure: ‘Ina mujacavu vainí tuivure āmenore jaravarī āicōjecuyumu yu Jāmenijicai jioba coricacacu jocucu jēiduare, apure daijocucu dicu āmiá’, arī coyuyube ñai Espíritu Santo”, arī toivaicōjeame yure.

Juan ñi toivacaino Esmirnacavu Jesúre ju aipōevare

(Ap 1.17; 20.14; 21.8; 22.13)

8 Bedióva cojedeca yópe áme yure.

—Toivajacu ñre, ñai coreipōecure Jesúre ju aipōeva cójijivaivure Esmirna āmicūriñmaroi. Yópe arī, toivajacu mu: “Yópe arī, coyubí ñai báyu bácu aru yóbocacu máre, ñai yaiyú bácu nacajañu mácu apucu cojedeca. Que baru cuvu yu cainumua.

9 Coreóvaivu yu mi ñájiyede yure boje. Coreóvaivu māre cuve cuvabecure máre. Ubenita jāve ure cuve cuvavu mu Jāmenijicai cuve méne. Aru coreóvaivu yu caiye iye ne āmeina yávaiyede mi borore ina ‘Judíovabu ñuja’ ubenina aivure. Ubenita judíova baju āmemna na. Quénora nárecabu Satanás jina. Aru cójijivaivubu, memecarājivu ñre.

10 ’Jidubejacu mi ñájiquinore. Jājacu. Ñai abujuvai jabocu buore dacuyume apevu mujacavure āmeina teivure jēni jacoñami, jāri coreóvacuyu māje ju aiyede yure. Caipucapuñape paíjāravua baquiyéde ñájinajaramu muja. Ju ajacu yure pu mi yaiyeta. Que teyure, yu bojedacuyumu māre me.

Mare care dacuyumu jāravu cūiméjāravu baquinóre yáque.

11 'Caivu me jápiajarā ñai Espíritu Santoi coyuiede Jesúre ju aipōeva cójijivaivure: 'Ina mujacavu vainí tħivure āmenore jaravarī nūmenajarama toaboi cūiméboi', arī coyuuyube ñai Espíritu Santo", arī toivaicōjeame yure.

Juan ᾶi toivacaino Pérgamocavu Jesúre ju aipōevare (Jn 6.48-50)

12 Bedióva cojedeca yópe áme yure.

—Toivajacu ūre, ñai coreipōecure Jesúre ju aipōeva cójijivaivure Pérgamo āmicuriūmaroi. Yópe arī, toivajacu mu: "Yópe arī, coyuibi ñai cħvacu ive boaicarove caipħcapūravu ħphjidivede. **13** Coreóvaivu yu mi cırōre. Mu cuvu nore Satanás ᾶi jaboteinore, ᾶi jaboteimara jēneboi. Ūbenita nore cħvacari, me ju ayebu mu yure. Ānijāravu bácarō Satanás jina ne boarī jaruvaiye báquede Ántipas báħre, dajocabeteavu mi ju aiyede yure. (Ñai Ántipas báħu coyuuyu barejáme yávaiyede jāvene yurā pu ne boarī jaruvaiyeta ūre.) Boarī jaruvaima ᾶi mácure no mi īmalo, Satanái cırōi.

14 'Ūbenita apejje mi daixede āmeina jāivu yu. Apevu mujacavu cırivu daivubu yópe Balaam máħu ᾶi bueiye báquepe. Javede ñai Balaam máħu majicarejaquemavu Balac báħre ᾶi āmeina dare daquiyepu ayu ina Israecavu bácvu. Āicōjenejaquemavu na mácavure āiyede pēpeimarare ne jíye báquede. Aru āmeina daicōjenejaquemavu na mácavure apevque némarebucuva āmevque máre. Nópe Balac báħre daicōjenejaquemavu

Balaam mách. **15** Quédeca apevu mujacavu daivubu yópe ina nicolaíta ãmicuriyajubocavu ne bueiyepe.

16 'Que barureca chlori jarvajacu mi ãmeina teiyede. Aru oatvajacu mi daiyede. Ùbenita mi que daiyubedu, maumena dacuyumu yu mi yebai, ãdamatecuyu náre, ina Balaam máchi daiyepe daivure aru ina nicolaítava ne daiyepe daivure máre, ive boaicarove etaiveque ji jijecamure jocarí.

17 'Caivu me jápiajarã ñai Espíritu Santoi coyuiyede Jesúre ju aipõeva cójijivaivure: 'Ina mujacavu vainí thivure ãmenore jarvavarã ãicõjecuyumu yu ãiye me cavarõ mearo Jhamenijicui curõquede, iye ãiye yaveiyede ijãravucavure jocarí. Aru jícuuyumu náre coapa cuinájibo curajibo borijibore. Dijiborã toivaino cuvu cuináro ãmiá mamaro ãmiáre. Aru ina jacoparãjivu quévura coreóvarãjarama no ãmiáre. Apecu cubecube coreóvayu no ãmiáre', arí coyuibi ñai Espíritu Santo", arí toivaicõjeame yure.

Juan ãi toivacaino Tiatiracavu Jesúre ju aipõevare (Mt 16.27)

18 Bedióva cojedeca yópe áme yure.

—Toivajacu úre, ñai coreipõecure Jesúre ju aipõeva cójijivaivure Tiatira ãmicuriñmaroi. Yópe arí, toivajacu mu: "Yópe arí, coyuibi Jhamenijicui máchu, ñai yacorua cojididua cuchu aru ãi cuboba máre cojidiba yópe thære toaijide ëarõburu yóbope.

19 Coreóvaivu yu mi ñainore. Aru majivu uçure yure aru apevure máre, ju ayure yure, memecayure Jhamenijicure, aru napiñure mi ñájiyede máre. Coreóvaivu mi daino mearore. Mearo daivu mu

caride mamarumu ju ayu yure mi daino mácaro
pueno.

20 'Ubenita cūináro mi dainore ãmeina jãivu
yu. Mu jaetovabevu nomióre õi ãmiá Jezabel. Õ
muje jéneboi 'Jámenijicu yávaiyede coyucaipõecobu
yu', ubenina aibico õ. Ói bueiyequ jujovaibico
ina yure memecaivure. Que baru ãmeina dare
daibico náre apevuque némarebucuva ãmevuque.
Aru ãre daibico náre ãiyede pẽpeimarare ne jíye
báquede máre. **21** Joe coreniduivu yu õi chuori
oatuvacojiyepe ayu õi daiyede, õi jaruvacojiyepe
ayu náre õi ãmeina tede daiyede jaruvaru. Ubenita
oatuvaiyubebico õ. **22** Que baru ñajine dacuyumu
õre pare. Aru ijimo macodóme õ, parado õi
parainoi. Aru ina õque ãmeina daivu bácavu
ne chuori oatuvabedu ne ãmeina daiyede õpe,
paraicõjecuyumu náre máre õpedeca, pare ne
ñajinajijepe ayu. **23** Aru boaru jaruvacuyumu
caivu ina õi jujovaimara mácavure, mamara
majurórivupe paivure.

'Que daruburu caivu Jesúre ju aipõeva cójijivaivu
coreóvarujarama. Yurecabu coreóvayu caivu
põevare caiye ne dápiaiyede aru caiye ne
uede máre. Que baru bojedacuyumu mujare
coapa yópe muje daiye báquepedeca. **24** Ubenita
mujacapurvu Tiatiracavu dabevu yópe õi
bueiyequ. Coreóvaiyubevu muja iye Satanái majié
yaveiyede apevu ne daiyepe. Cubevu apeno ji
daicõjeino mujare copu. **25** Quénora dajaru yópe ji
coyuyepe ji yávaiye méne pu ji copaidaiyeta.

26-27 'Ina mujacavu vainí tuivure ãmenore
jaruvaru aru daivure yópe ji hrõpe pu ne yaiyeta,

jabotede dacuyumu náre cainoa joborõacavure iye paruéque yópe jipacui jabotede daiye báquepe yure. Jabotenajarama náre paruéque. Que baru cainoa joborõacavu ne ju abedu, ñarãjarama náre yópe jobojororure boarí yavaiyepo abodo tãuque daiyoque. ²⁸ Aru cuvare dacuyumu náre ñai abiácoru pẽoñu miadáre daiyede.

²⁹ 'Caivu me jápiajarã ñai Espíritu Santoi coyuiyede Jesúre ju aipõeva cójjivaivure", arí toivaicõjeame yure.

3

*Juan ñi toivacaino Sardicavu Jesúre ju aipõevare
(Mt 10.32; 24.43-44; Lc 12.8, 39-40; Ap 16.15;
20.12)*

¹ Bedióva cojedeca yópe áme yure.

—Toivajacu ûre, ñai coreipõecure Jesúre ju aipõeva cójjivaivure Sardis ãmicuriñmaroi. Yópe arí, toivajacu mu: "Yópe arí, coyubi ñai daroyu Espíritu Santore Jesúre ju aivu ne cójijiñamiai siete paílmaroai aru cuvacu ina siete paivu abiácovare máre. Coreóvaivu yu aipe ðayure mure. Ùbenina arí, 'Dayube Jämenijicai urõpe ñi paruéque', coyuvubu mura. Ùbenita coateyu bajubu mu Jämenijicure jaruvarí. ² Jürachcu, jabuóvayu buojabevu mu mi memecaiyede jocarí Jämenijicure. Que baru Jämenijicu ãmeina jâimi mure. Que baru cãñupe ãmejacu mu. Pueno parure ñarí ju are nure ñajacu mívare ne ûmei, ina coatebevure cãreja Jämenijicure jaruvarí, ne coateni bíjabenajiyepe ayu ûre jaruvarí. ³ Que baru ñrure ñujacu caiye iye Jämenijicai yávaiye méne ne bueiyede mi jápiaiye

báquede. Diede jápiarī, jʉ arī, chīori oatʉvajacʉ mi daiyede, jarʉvacʉyʉ mi āmeina teiyede. Úbenita nópe mi dabedu, dacʉyʉmu yʉ mi yebai yópe ñavaipõecʉ ūi daiyepo. Aru ji daquinʉmʉre ye majibecʉyʉmu mʉ.

4 'Úbenita obebejīna curivabu no Sardis āmicurīmaroi āmene dabeevʉ, yópe põeva docʉtede dabepe ne cuitótecajeare, ne daiye boje yópe Jāmenijicʉ ʉrōpe. Nárecabu dorājivʉ cuitótecajea boricajeare aru curājivʉ yáque. Que dārājarama me, ne napini coreiye boje Jāmenijicʉ jíye báquede náre.

5 'Ina mʉjacavʉ vainí tʉivʉ āmenore jarʉvarī nápe paivʉ cuitótecajea boricajeare dorājarama. Ne āmiá toivaino mácarore ānitucubo Jāmenijicʉ paperatucubo, caivʉ ina jāravʉ cūiméjāravʉ baquinóre cəvarājivʉ yáque ne āmiáre toivaitucubore tāreni jarʉvabecʉyʉmu yʉ ne āmiáre. Quénora, 'Ji põevatamu na', arī coyʉcʉyʉmu jipacʉ ūi ángeleva máre ne jāiyede.

6 'Caivʉ me jápiajarā ūi Espíritu Santoi coyʉiyede Jesúre jʉ aipõeva cójijivaivure", arī toivaicõjeame yure.

Juan ūi toivacaino Filadelfiacavʉ Jesúre jʉ aipõevare

(Ap 21.2)

7 Bedióva cojedeca yópe áme yure.

—Toivajacʉ ūre, ūi coreipõecʉre Jesúre jʉ aipõeva cójijivaivure Filadelfia āmicurīmaroi. Yópe arī, toivajacʉ mʉ: "Yópe arī, coyʉibi ūi meacʉ baju, memecayʉ Jāmenijicʉre, aru jāvene bueyʉ máre. Úrecabe cuvacʉ llavede, ūi jabocʉ David

bácu jino mácarõre. Yópe põecu voaiyepe bieivede aru bieicõjemepe apevare divede, nopedeca ãi daicõjeiyede põevare apede, ñame buojabenama daicõjemevu náre diede. Aru yópe põecu bieniburu yóbore divede máre, voaicõjemepe apevare divede, nopedeca ãi daicõjemene põevare apede, ñame buojabenama daicõjeivu náre diede. ⁸ Coreóvaivu yu aipe dayare mure. Coreóvaivu yu obebejña mívu cùrivare memecarãjivare yure. Ju aivu mu ji yávaiyede. Aru ‘Jesucristobe ji jabocu’, ju arí coyivu mu. Que baru jëvari coyurí, yópe põecu apecare ecoicõjeiyepo jedevacobe bieivede voarí aru apecare bieicõjemepe divede, nopedeca mure memecaicõjeivu yure. Aru põecu cùbebi mure memecaicõjemeni majicu.

⁹ ‘Coyivu mure ne borore ina ‘Judíovabu ñuja’ aivare, ubenita judíova baju ãmemna na. Quénora Satanás jinatamu cójjivaivu memecarãjivu áre. Náreca ñuatutare dacuyumu yu mi cùboba yebai, ne coreóvarãjiyepo ayu ji baju ucure mure. ¹⁰ Napivu mu mi ñájiyede yópe ji daicõjeiyepo báquepe mure. Que baru järi corecuyumu yu mure mi ñájine daiyede. Caivu ijäravucavu Jesucristore ju abevu ne ñájinajiyepo jauvu náre. Ubenita mure cadatecuyumu yu, mi ñájimequiyepo ayu iye ñájiovaiyeque. ¹¹ Maumena dacuyumu yu. Đajacu yópe mi bueiyepo ji yávaiye méne apecu ãi ñimequiyepo ayu mi bojede mure.

¹² ‘Ina mujacavu vainí tuivre ãmenore jaravarí epecchuyumu jabova pararivuva Jämenijicu cùrami jívui yópe bucúporarua parare daiyepo cùramine. Aru etabenajarama na nore jocarí cainumua.

Aru toivacuyumu yu nára Jämenijicai ãmiáre, aru Jämenijicai ñamaro ãmiáre máre. No mamaro ñamaro Jerusalén ãmicurðtam. Ëmequiyebu cavarð mearo Jämenijicai cürõre jocarñ. Aru toivacuyumu nára ji ãmiá mamarore máre.

13 'Caivu me jápiajarã ñai Espíritu Santoi coyuyede Jesúre ju aipõeva cójijivaivure", arñ toivaicõjeame yure.

Juan ñi toivacaino Laodiceacavu Jesúre ju aipõevare

(Jn 1.3; 16.33; Col 1.15, 18; He 12.6; Ap 5.5)

14 Bedióva cojedeca yópe áme yure.

—Toivajacu ûre, ñai coreipõecure Jesúre ju aipõeva cójijivaivure Laodicea ãmicurðmaroi. Yópe arñ, toivajacu mu: "Yópe arñ, coyubi dajocabecuva, ñai coyuyu yávaiyede jåvane Jämenijicurã pu ne boarñ jarvaiyeta ûre. Úrecabe Jämenijicai caiyede cuedare daimu mácu. **15** Coreóvaivu yu aipe dayure mure. Coreóvaivu yu maucuvabecure yure yópe jujateyape. Aru coreóvaivu yu memecabecure mi ümei yópe toaijiteyape. Mu ju ayvacari yure, majiéda quénora ju ayabu. Yópe oco avia ñi boiyequet oaijide daiocore ücuiyubepe maja, nopedeca mi majiéda ju aiyede yure ubevu yu. Mi me ju arñ memecaru yure, yópe toaijiteyape meajebu. Mi ju abeni maucuvetu yure, yópe jujateyape, meamejebu. Übenita mi ju aiye boje yure majiéda quénora, pueno baju meamevu. Que baru coavajacu mi baju yure jarvarñ o memecajacu yure mi ümei. **16** Übenita mi dabe boje yópe ji urópe majiéda toaijicapebu mu. Que baru

jaruvacumu mure yure jocaru yope ji jecutuiyepe
oco majiéda toaijiede ji jjecamure jocaru.

17 'Mácapuravu 'Ure cuve cuvavu yu', aruduivu
mu. Aru 'Apeju ye jaubevuu yure', aruduivu mu.
Aru 'Caiye cuináturu me nuivu yure ji majié boje',
aruduivu mu. Ubenita ye coreóvabecubu mu mi baju
chuloñure, yope comaje ãrojacupe, cuve cuvabecupe,
juri eabecupe, aru cuitótecaje cuvabecupe máre.
Yope juri eabecu ùi juri eabepe ijárvuquede, nope-
deca majide eabevu mu Jumenijicu jiede. Aru yope
cuitótecaje cuvabecu ùi cuyepe, nopedeca cuyevu
mu mi ãmeina teiye boje Jumenijicu jainore. **18** Que
baru majicayubu mure aipe daiye jaurõre mure.
Yope poecu bojedaiyepe úrure mearo baju toaijide
duaino mácarõre, mu juve cuve cuvaiyuu baru, jujacu
yure iye méne ji cuvaede. Dinumu maquinóre
juve cuvacumu mu urarõ méne Jumenijicu jiede.
Aru yope poecu ùi bojedaiyepe cuitótecaje bor-
icajede ùi doquiyede ùi bajure cuyoje tebecuyu,
yope ãmeina teiyede joaimu mácupe bájacu mu ji
yaiye boje, cuyoje tebecuyu mi ãmeina teiye boje.
Aru yope poecu ùi bojedaiyepe yaco taiyóiyede, ùi
me juri eaquiyede ayu ùi epequiyede, me jápiaru
adajacu iye bueiyede Jumenijicu yávaiyede, me
majicuyu diede. **19** Yurecabu coreóvare duayu caivu
ji uumarare ne ãmeina teiyede aru ñájine duayu náre
die boje máre. Que baru pueno baju daiyuujacu
Jumenijicu ùrõpe. Chulori jaruvajacu mi ãmeina
teiyede. Aru oatuvajacu mi daiyede.

20 'Jujacu. Yope poecu nucu curami bieñamine
jedevai ecoiyucupe, mautecuyu diñamicavuque,
nopedeca yu mauteiyuvu muque. Yope ùi

órejaiyepe diñamicavare, ne majinajiyepo ayu
cucure, aru ne voarājiyepe ayu bieivede, nopedeca
mi coreóvaiyede yu mauteiyacure máque,
mauteicōjejacu yure. Dinumumica jícu bájacu mu.
Mi mauteicōjeiyede yure máque, mautechuyamu
máque. Aru yópe pōeva ne torojuepe cójjini ãivu,
nopedeca me carājaramu maja. Yu mi yóvaimu
macuyámu. Aru mu ji yóvaimu macuyámu.

21 'Ina mujacavu vainí tuivare ãmenore jaruvarí
dobaicōjecuyamu yáque jabocu ji dobarō mearoi,
ne jabotenajiyepo ayu yáque. Quédeca vainí
t̄rejacacu yu ãmenore jaruvarí. Aru caride dobavu
yu jipacuque jabocu ãi dobarō mearoi, jaboteyu
áque.

22 'Caivu me jápiajarã ñai Espíritu Santo
coyuiyede Jesúre ju aipōeva cójjivaivare", arí
toivaicōjeame yure.

4

*Juan ãi coyuino cavarō mearocavu ne mearore
jíyede Jāmenijicure*

(Ap 1.4; 8.5; 11.19; 16.18)

1 No yóboi jācacu yu cojedeca jedevacobe
bieivede voaicobe bácarõre cavarō mearo
Jāmenijicai cárõi ecoicobede. Jápiacacu cojedeca
iye yávainore, ji mamarumu jápiaiye báquede b̄ujiépe
yópe trompeta ãmicuriyo japuiyore japuiyepe. Ñai
yávayu yure coyuáme, yópe arí:

—Dajacu yo cavarō mearoi. Mure jādovacuyubu
iye vaiquiye jaue yóbore, arí coyuáme yure.

2 Dinumumiareca ñai Espíritu Santo
dápiaicōjeame yure. Jācacu cūináro jabocu dobarō

mearore no cavarõ mearo Jämenijicai cárõi. Aru jácacu cūinácu dobacare noi.³ Ñai dobacu noi yópe cárabajoa pare bojecárijiboa cojidijibope árojacu cojiteame. Jaspe ámicárijiboa pare cojidijibope aru cornalina ámicárijiboa júarijibope árojacu cojiteame ñ. Aru jabocai dobarõ mearo tarabuteni náme cáteame. Ñai náme cojiteame yópe apebo cárabajibo pare bojecárijiboa esmeralda ámicárijibope.⁴ Jabocai dobarõ mearo yebai apenoa jabovai dobarõa mearoa veinticuatro painoa yópe meatarabu dobarí jápurrino mateávñ. Aru die coapa dobateima veinticuatro paivu bácuva, doivu cuitótecajea boricajeare aru ne jipobui cívateima úruque daitarabuare máre.⁵ No jabocai dobarõ mearo coricacarõre jocarí yaroino, yávaino bújino, aru ñpo tñino máre etavñ. No jabocai dobarõ mearo coricacarõ jipocai cítteavñ siete paivea cámavea pëoivea cojiéque. Diedecabu ina siete paivu Jämenijicai decova.⁶ Aru no jabocai dobarõ mearo coricacarõ jipocai cítteavñ apeda yópe jia urada jivarape paiya, ubenita me jári javaiyoya bateávñ diya.

No jabocai dobarõ mearo coricacarõ tarabuteni yóvaichuvaitóbucapüravuai cítteima yóvaichuvaviu apurivu. Aru ina apurivu cítteima yacorua caipucapüravu jipocare aru yóbore máre.⁷ Cúnácu nácacu yavi júacupe árojateame. Apecu yópe oteivecupe árojateame. Apecu apucu ñmápe árojateame ñi jiva. Aru apecu yópe míyavipe, águila ámicacu vuyupe, árojateame.⁸ Ina yóvaichuvaviu apurivu cívateima yacorua caino ne caveá náre coapa. Aru cívateima yacorua Caino ne caveái,

p̄uenocapūrav̄i aru cāchinocapūrav̄i máre. Jārav̄are aru ñamine máre dajocabev̄va yópe aiv̄a bateima:

Meac̄ube, meac̄ube, meac̄ube maje jaboc̄a
Jāmenijic̄. Īrecabe paruc̄a caiv̄a p̄ueno.
Īrecabe c̄ac̄a bácu javede, c̄ac̄a caride, aru
dac̄uȳa apejārav̄a baquinóre, aiv̄a bateima
na.

⁹ Ina apuriv̄a mearore jív̄a, pueðaiv̄a aru
toroj̄ede jív̄a bateima ñai dobac̄are no jaboc̄ai
dobarō mearo coricacarōi, ñai c̄ac̄are cainam̄a.

¹⁰ Ne nópe daiyedeca, ina veinticuatro paiv̄a
buc̄ava pueðarī ñatutaima áre dobac̄are no
jaboc̄ai dobarō mearo coricacarōi ñi jipocai.
Mearore jíma áre, c̄ac̄are cainam̄a. D̄vaima
ne jipob̄a adaitarab̄are jaboc̄ai dobarō mearo
jipocai. Aru yópe aimá áre:

¹¹ Ma, ñuje jaboc̄a Jāmenijic̄, m̄arecabu caiyede
c̄uedaȳa bácu. Caiye iye mi c̄uedaiye
báque c̄av̄a yópe mi urre. Que baru mi
meac̄a baju boje, ñuje mearore jíye aru
ñuje pueðaiye máre jaþv̄a m̄are aru ñuje
coreóvarājiye mi parueðe máre, arī coyuima
na.

5

*Juan ñi coyino iyoca paperayoca ûmújuriyoca
cāriáiyocarā aru Cristorā, ovejajic̄re ne aimura,
máre*

(Jn 1.29; 16.33; 1 Co 5.7; Ap 1.6; 3.21; 8.3; 20.6)

¹ Jācac̄a ñai dobac̄are jaboc̄ai dobarō
mearo coricacarōra ñi þarú meapūrav̄capurui
cūináyoca paperayoca ûmújuriyoca cāriáiyocare.

Caip̄capūrav̄a toivaiyoca bateáv̄. Aru diyoca jedeva t̄r̄vai bieino mácarō mateáv̄ yópe j̄ut̄rijoboyabea jājariyabea siete paiyabeaque. ² Aru jācac̄ ȳa cūináca ángele paruc̄re jēniari jāñure yávaino bujinoque, yópe ar̄i:

—¿Namema meac̄ baju burarī majic̄ iyabea siete paiyabea jājariyabeare, voac̄ȳa iyoca cāriáiyocare? ar̄i jēniari jāme.

³ Ubenita cūináca c̄ubeteame buojarī voaȳa diyabeare. Cavarō mearocac̄ c̄ubeteame. Ijārav̄cac̄ c̄ubeteame. Aru yaiv̄a bácav̄a ne carōcac̄ máre c̄ubeteame. Cūináca c̄ubeteame buojarī voaȳa diyabeare, jāc̄ȳa diyocare. ⁴ Que baru yácapūrav̄a ocac̄ pare, ne eabe boje cūináca meac̄ bajure, ñi voaquiyepe aȳa diyabeare, jāc̄ȳa diyocare. ⁵ Ubenita cūináca ina veinticuatro paiv̄a buvacac̄, yópe ar̄i, coyuáme ȳare:

—Obejac̄ m̄a. Nai paruc̄a Judá ãmic̄riyajubocac̄ león ãmic̄ca yavipe páȳa daibi. Nai jaboc̄ David báci p̄áramec̄ meac̄ bajube ñi. Érecabe javede vainí t̄uȳa báca ãmenore jar̄varī. Que baru ñi mac̄yáme burarī buojaȳa iyabea siete paiyabea jājariyabeare aru voarī buojaȳa diyoca cāriáiyocare, ar̄i coyuáme ȳare.

⁶ Din̄am̄a jācac̄ cūináca ovejajīc̄re no jaboc̄a dobarō mearo coricacarō yebai ina yóvaic̄vaiv̄a apuriv̄a aru ina veinticuatro paiv̄a buvacari núteame ñi nore. Cáteame siete paijavaroa aru siete paid̄a ñi yacor̄a. Diedecabu ina siete paiv̄a Jāmenijic̄i decova ñi daroimara mácav̄a cainoa joborðai. ⁷ Nai ovejajīc̄a n̄ari

Íame diyoca cāriáiyocare ñai dobacure ñi pura meapúravucapurure jocarí. ⁸ Úi nore ūyedeca, ina yóvaicuvaivu apurivu aru ina veinticuatro buecava máre puerari ñuatutaima ñai ovejajícaí jipocai. Cuvateima biabeiboare arpa amicuiboare ne purui náre coapa. Aru cuvateima jororuá úruque daiduare mumijue buididuare máre náre coapa. Jēvari coyurí diedecabu yópe Jāmenijicai pöeva ne boroteiyepa paiye áque. ⁹ Aru yópe arí, yuriaima cūináro yuriaino mamarore:

Murecabu meacu baju. Que baru iyoca cāriáiyocare ñi, jājariyabeare burarí buojaivu mu. Meacu bajubu, mure ne boarí jaruvaiye báque boje. Murecabu bojedayu bácu pöevare mi jiveque ne vainí turí ameina teiyede jaravarí, Jāmenijicai pöeva marajiyépe ayu. Bojedarejaquemavu mu náre, caiyajuboa pöeyajuboacavure, aru caicamua yávaicamuacavure, cainoa ñimaroacavure, aru caijaborðacavure máre. ¹⁰ Epeivu mu náre, ne jabotenajiyepa ayu máque aru ne memecarajiyepa ayu majepacu Jāmenijicure sacerdotevape. Aru nárecabu jabotenajivu ijäravucavure, arí yuriaima na.

¹¹ Bedióva cojedeca jācacu. Aru jápiacasu obedivu ángeleva ne yávaiyede. Jabocai dobarð mearo coricacarð tarabuteni ina yóvaicuvaivu apurivure aru ina veinticuatro paivu buecavare máre ne dobarða yóbore cátima ina ángeleva, tarabuteni. Obedimillones baju bateima na. ¹² Aru yópe arí, codoboboima:

Ñai ovejajícu, ne boarí jaruvaimu mácuvacari,

meachh bajube. Que baru caivhre mearore jíye jahvh áre. Yópe arí, coyuhjarári na: “Úrecabe caiye parhde chvach, aru caiye che upach, caiyede coreóvayh, aru caiyede daiye majich máre”. Que baru caivh puedajarári áre, mearore jíjarári áre, aru torojhede jíjarári áre máre, aima na.

¹³ Aru jápiacach yh obedivh yuriaivhre. Caivh cavaró mearo Jämenijichi chrhcavh, aru caivh ijárvhcavh, caivh yaivh bácvh ne chrhcavh, aru caivh jia uhradacavh máre, caivh Jämenijichi chedaimara yuriaima, yópe arí:

—Ñai dobachre jabochi dobaró mearo coricacaróra aru ñai ovejajíhre máre, caivh mearore jínajarevh, aru náre puedarajarevh Cainumha. Nárecabu pheno mearo baju aru parhrivh baju caivh pheno Cainumha, arí yuriaima na.

¹⁴ Ina yóvaichhvaivh aphrivh, “Quédecabu”, aimána. Aru ina veinticuatro paivh bhchava ñuatutaima, mearore jínajivh ñai chchare Cainumha.

6

*Juan hi coyuino iye siete paipayea jãjariyabeará
(Mt 24.29; Mr 13.24-25; Lc 21.25; 23.30; Ap 11.13; 16.18, 20)*

¹ No yóbore, jhacach Cristore, ovejajíh ne aimare, burayhre chináyabede iye siete paipayea jãjariyabequede. Aru jápiacach chináh ina aphrivhcach ayhre hi yávaino bhjinoque yópe ðpo thinope. Yópe arí, “Dajach”, áme h. ² Jhacach chináh caballo bochre. Ñai tubach úra chvach hi

tēmutarabure ūi p̄urhi. Jím̄ mateáme cūinátarabu jipobu adaitarabure yópe ne jíyepe ñai vainí tuyure. Etame vainí tuyu apevure jocarī, aru vainí tucayu máre.

³ Ñai ovejajīcu ūi buraiyede apeyabe jājariyabede, jápiacacu apecu ina apurivucacure, “Dajacu” ayure. ⁴ Que aiyeda, etame apecu caballo, jūacu. Ñai tubacu ūra ādamatede daicōjeim̄ mateáme ijāravucavure, ne boarī jaravarájiyepo ayu ne baju. Que teni cārijimenore cūiné daicōjeim̄ mateáme. Cuvateame cūináve boaicarove ūmujurivede.

⁵ No yóboi, ñai ovejajīcu ūi buraiyede apeyabe jājariyabede, jápiacacu apecu ina apurivucacure, “Dajacu” ayure. Jācacu cūinácu caballo ñemicure. Ñai tubacu ūra cuvateame cūináro ducuēde core-vainore ūi p̄urhi. ⁶ Jápiacacu apeno yávainore yópe. Japurateavu ina yóvaicuvaivu apurivu jēnebore. Yópe arī, coyuhávū:

—Cūinákilo quénora trigo āmiche pāu daiye bojedarī eaino mávu pōecu cūinájāravure ūi memeiye báque bojeque. Aru yóbecrikilos quénora cebada āmicue pāu daiye bojedarī eaino mávu pōecu cūinájāravure ūi memeiye báque bojeque. Úbenita āmedabejacu olivo āmicuricu jēidua córore aru vino úyaicorore máre, arī coyuhávū.

⁷ No yóboi, ñai ovejajīcu ūi buraiyede apeyabe jājariyabede, jápiacacu apecu ina apurivucacure, “Dajacu” ayure. ⁸ Jācacu cūinácu caballo cārajumecure. Ñai tubacu ūra Yaino āmicuca. Aru ūi yóbore dámē cūinách, Toabo cūimébo āmicuca. Boarī jaraváicōjeimara mateima ina obedivu pōeva ijāravucavu. Caivu ijāravucavu yópe

yóvaic̄avaiv̄a yajuboa teni, yópe cūináyajubocav̄a boar̄ jar̄vaic̄ojeimara mateima na boainoque, aru āv̄éque, duica ijiéque, aru āimara jijecuriv̄a que máre.

⁹ No yóboi, ñai ovejajīch̄ ñi buraiyede apeyabe jājariyabede, jācac̄ apeq̄ yaiv̄ bácv̄ ne ūmene. Caiv̄ ina boar̄ jar̄vaimara mácav̄re ne coȳuiye báque boje Jāmenijic̄ai yávaiyede, ne ūmene jācac̄ ȳa Jāmenijic̄are jícaiyede juiva cāchinoi. Da-jocabev̄va “Jāvemu” ar̄i coȳurejaquemav̄ Jesucristoi yávaiye méne. ¹⁰ B̄jíé codobobor̄, yópe aimá:

—Mu, ñuje jaboc̄, caiv̄re cōjeñ̄, meac̄ baju, aru jāveque coȳuȳbu. ¿Joe baju corede dac̄uȳr̄ mu ñujare “Boropateiv̄bu muja”, mi aiyeta ijārav̄cav̄re Jesucristore ju abev̄re? ¿Aru joe baju corede dac̄uȳr̄ mu ñujare mi ñajine daiyeta náre ne boar̄ jar̄vaiye báque boje ñujare? codobobor̄ aimá na.

¹¹ Ina yaiv̄ bácv̄ jímara mateima ne cuitótecajea boricajeare. Aru coȳumara mateima iye yávaiyede:

—Jab̄ovajar̄ cāreja p̄ ne boar̄ jar̄vaiyeta caiv̄ ina mujev̄ memecaiv̄re Jāmenijic̄are. Boar̄ jar̄vaimara marajárama mujape, Jāmenijic̄ai yávaiyede coȳuiye boje, jápaima na.

¹² No yóboi, jācac̄ ñai ovejajīch̄ ñi buraiyede apeyabe jājariyabede. Pare cújiav̄ caino jobor̄. Aviá ñemiteame yópe p̄oева ne doiyep̄ ñeminicajede, orājiv̄ yaiv̄ bácv̄re. Aru aviá ñamicac̄ jūac̄ bajura bateáme yópe jivepe. ¹³ Ina abiácova t̄ima cavarõre jocar̄, yópe jocac̄ jēid̄a t̄iyep̄ jocac̄re jocar̄ ūmev̄ pare japuiyede. ¹⁴ No cavarõ

bíjavã, yópe toivaiye báque bíjaiyepa paperayocare cäriáriburu yóboi. Aru caicüa cäracüa, caiye jiavua máre jaravavã die cärõre jocarí. ¹⁵ Dinamure caivu jabova, aru cöjeivu, churaravai jabova, cäve cävarivu, parurivu, yebacavu, aru yebacavu ãmevu máre dupinanüima cäracobea jívai aru cäracüa üracüa cäraboa jëneboi máre. ¹⁶ Codoboborí órejaima cäracüa üracüare aru cäraboare máre, yópe arí:

—Täjacüari ñüjare. Yavejacüari ñüjare áre jocarí, ñai dobacure jaboci dobarõ mearo coricacarõra, ñi jámequiyepa aino ñüjare. Yavejacüari ñüjare áre jocarí, ñai ovejajicu jorojini jañure. ¹⁷ Jave eaivu ijärvu parurijärvu, caivu Jämenijicure ju abevu ne ñájjärvu. Ñame buajarí númenama náre copu, ñai jaboci dobarõ mearo coricacarõi dobacure aru ñai ovejajicure máre, arí codoboboima na, jidurivu.

7

Juan ái coyuino ina ciento cuarenta y cuatro mil paivu Israecavurã

¹ No yóboi, jäcacu yóvaicuvaivu ángelevare núrivure maje cürrijoborõ türvai yóvaicuvaitürvai yebai na coapa. Japuicõjemeteima náre coapa iye yóvaicuvaipy e ûmevuare ijärvuquede. Que teni japuicõjemeteima joborõre copu, jia uradare copu, aru apecu jocucre copu máre. ² Aru jäcacu apecu ángelede muri dayure aviá dainocapûravure jocarí. Cävateame ñi purhi ñai Jämenijicu apucu ñi jädovare dainore ñinare. Ñai ángele codoboboame, majicacayu apevu yóvaicuvaivu

ángelevarare, ina Jāmenijic̄hi paruede jímará mácavure, ne āmedare ñarājiyepe ayu joborōre aru jia urreadare máre.³ Yópe arī codoboboame:

—Āmedabejarā cāreja yo joborōre, jia urreadare, aru jocuecare máre. Yéde āmedabejarā p̄u ñuje jādovaiye baquiyéta ina maje jaboc̄ Jāmenijic̄re memecaivure ne tātavarā náre coapa, jādovarajivu náre ū jinare, codoboborī áme ñai ángele.

⁴ Aru jápiacac̄ aipivu ina obedivu jādovaimara mácavure ne tātavarā Jāmenijic̄ jinape. Caiyajuboa doce paifyajuboa Israecavure jocarī ciento cuarenta y cuatro mil paivu baju cāteimada. ⁵ Judá báchi pāramenacavu doce mil paivu jādovaimara mateimada. Aru Rubén máchi pāramenacavu doce mil paivu jādovaimara mateimada. Gad báchi pāramenacavu doce mil paivu jādovaimara mateimada. ⁶ Aser báchi pāramenacavu doce mil paivu jādovaimara mateimada. Neftalí báchi pāramenacavu doce mil paivu jādovaimara mateimada. Aru Manasés báchi pāramenacavu doce mil paivu jādovaimara mateimada. ⁷ Simeón máchi pāramenacavu doce mil paivu jādovaimara mateimada. Leví báchi pāramenacavu doce mil paivu jādovaimara mateimada. Isacar báchi pāramenacavu doce mil paivu jādovaimara mateimada. ⁸ Aru Zabulón máchi pāramenacavu doce mil paivu jādovaimara mateimada. José báchi pāramenacavu doce mil paivu jādovaimara mateimada. Aru Benjamín máchi pāramenacavu doce mil paivu jādovaimara mateimada máre. Caivu ina jādovaimara

Jāmenijicʉ jinape ciento cuarenta y cuatro mil paivʉ baju bateimaða na.

Juan 旆i coyʉino ina obedivʉ Jāmenijicʉ jina borica jeare doivʉrā

(Mt 24.1; Mr 13.19; Jn 1.29; 4.10; 7.37; 10.1-16; 1 Jn 1.7; Ap 21.4)

⁹ No yóboi, jācacʉ obedivʉ baju pōevare. Ne obedivʉ cae boje, ñame bʉojarī corevabejebu náre. Caijaborōacavʉ, aru caiyajuboa pōeyajuboacavʉ, caicamua yávaicamuacavʉ, aru caílmaroacavʉ máre cáteima na. Núteima no jabocʉi dobarō mearo coricacarō jipocai aru Cristo, ovejajīcʉ ne aimʉ, 旆i jipocai máre. Caivʉ ina doima ne cuitótecajea borica jeare. Aru ʉjʉmedʉa paiyede cʉvateima náre coapa ne purʉái. ¹⁰ Yópe arī, bʉjíé codoboboima: Maje jabocʉ Jāmenijicʉ, ñai dobacʉ jabocʉi dobarō mearo coricacarōra, meadayʉbe majare. Aru ñai ovejajīcʉ máre meadayʉbe majare,aima na.

¹¹ Caivʉ ina ángeleva núrivʉ ina veinticuatro paivʉ bʉcʉva ne yóboi, ina yóvaichʉvaivʉ apʉrivʉ ne yóboi, no jabocʉi dobarō mearo coricacarō yebai, mori tʉima ne jivare, mearore jínajivʉ Jāmenijicare. No jabocʉi dobarō mearo coricacarō jipocai mearore jíma Jāmenijicare. ¹² Yópe arī, mearore jíma ʉre:

Quédecabu. Maje jabocʉ Jāmenijicʉ recabe caivʉ ne mearore jímu, aru ne torojure daimʉ máre. Ӯrecabe caiyede coreóvayʉ. Caivʉ torojʉede jíjarāri ʉre aru puedajarāri ʉre. Ӯrecabe caiye parʉede cʉvacʉ aru caiye méne daiye majicʉ máre cainʉmʉa. Quédecabu,aima na.

13 Aru cūinácu nácacu, ina veinticuatro paivu būcūvacacu, yópe arí, jēniari jāme yure:

—¿Namema ina pōeva doivu ne cuitótecajea boricajeare? ¿Ãrocavuba na? jēniari jāme yure.

14 Yópe arí, coyucacu áre:

—Mu, ji jabocu, majibevu yu. Murecabu coreóvayu náre, acacu yu.

Aru coyuáme yure:

—Nárecabu napivu bácvu ne ñájiye báquede pueno urrearō baju. Joaquemavu ne cuitótecajeare, bore darajivu dicajeare ñai ovejajíchí jiveque.

15 Que baru núrivubu Jämenijicu jabocui dobarō mearo jipocai. Memecaivubu áre ñi cärami jívui jāravure aru ñamine máre. Ñai dobacu jabochí dobarō mearo coricacarõra jāri corecuyume náre ñi cue boje náque. **16** Aipinumu ñájimenama na ãvhéna. Aru aipinumu cüñómebu náre máre. Aipinumu aviá bórí émecube náre. Aru aipinumu toaijino máre cärijovamebu náre. **17** Nópe baquiyébu ñai ovejajícu cucusu jabochí dobarō mearo coricacarõ yebai dobacu ñi jāri coreiye boje náre. Jipocatecuyume náre oco apure daioco píapóino curði. Türecuyume caiye oride ne yacorare. Aru torojure dacuyume náre cainumua, arí coyuáme ñai būcucu yure.

8

*Juan ñi coyuino piniducayabe jājariyabena
(Ap 5.8; 11.19; 16.18)*

1 No yóboi Cristo, ovejajícu ne aimu, burame apeyabe piniducayabe jājariyabede diyoca cäriáiyocare jocarí. ñi buraiyede diyabede, ye yávaino jápurabení, caivu bi aimu no cavarō mearo

Jāmenijicai cārōi coricaorare. ² Aru jācacu ina siete paivu ángeleva nūrivare Jāmenijicai jipocai. Jímara mateima siete paiyoa japuiyoare trompeta āmicuríyoare náre coapa. ³ Apecu ángele dámē. Cuvateame ūi púrh cūinárh jororh úruque daidure mumijæde adaidure. Darī, núteame Jāmenijicure jícaiyede juaiva jipocai. Jímh mateáme ū ure mumijæde, ūi jícaquiyepo ayu caivu Jāmenijicui pōeva ne boroteiyede ūque. Que teni jiame diede Jāmenijicure iva juaiva úruque daivarā Jāmenijicu jaboci dobarō mearo jipocai. ⁴ Iye mumijæ eiyede, bico mħavu Jāmenijicu jipocai ūai ángelei púrhre jocarī. Mħavu Jāmenijicui pōeva ne boroteiyede ūque. ⁵ Aru ūai ángele nħvari buiváme idu jororhre toatħchia, ūi ūno mácarōre Jāmenijicure jícaiyede juaivare jocarī. Buivárburu yóboi, dħavame didure joborōi. Ei dħavayede didure ūpo tħavu, yávaino bħejno japurateavu, yaroino cojiteavu, aru joborō máre cūjiavu.

Juan ūi coyħino iye siete paiyoa japuiyoa trompeta āmicuríyoarā

⁶ Dinħmure ina siete paivu ángeleva cħvarivu siete paiyoa japuiyoare trompeta āmicuríyoare meadaima, japurajivu diyoáre.

⁷ Cūinácu ángele nácacu mamarħmucacu japuáme mamarħmu ūi japuiyore. Ei japuiyede, ocavu jājaro yópe cārajiboape, aru toabo jiveque ocainope tħavu joborōi. Yópe yóbecue coavaiyepo caino joborōre, cūináro iye yóbecħecarō ēni bíjavu. Caiye yóbecħricha jocħċha cārī, cūinácu ēni bíjavu. Aru yópe yóbecue coavaiyepo caiye cōriá jāmenicōria máre, cūináro iye yóbecħecarō, ēni bíjavu.

8 Aru cūináchí yóbocacu ángele japusáme ñi japuiyore. Uí japuiyede, cūinácu cáracu uracupe paicu, éicu toaque davaicu mateávü jia uradai. Yópe yóbecue coavaiyepe caiya jia uradare, cūináro iye yóbecuecarö jiveteavü. **9** Caivu yóbecurä apurivu jia uradacavu curivu, cūinácu yaiáme. Aru caiye yóbecuecarö jiadocu uracuña cüe, cūinácu bíjavü.

10 Aru pucaräi yóbocacu ángele japusáme ñi japuiyore. Uí japuiyede, cūinácu abiácoru uracu uruyu tñame yópe cámavepe cavaröre jocarí. Caiye yóbecuriya jia caryare, cūinádare tñame ñai abiácoru uracu. Aru cainoa yóbecurä oco píapóinoa cavaröre máre, cūinárore tñame ñ. **11** Jämeçu ãmicteame ñai abiácoru. Yópe yóbecue coavaiyepe caiye oco ücuiocore, cūináro iye yóbecuecarö jumeteavü. Obedivu pöeva yaima, ina ücuiyu bácavu die oco jämene.

12 Aru yóbecuräi yóbocacu ángele japusáme ñi japuiyore. Uí japuiyede ñai aviá yóbecue coavaiyepe ñre, cūinára iye yóbecuecarö ãmedaino mateávü. Quédeca vaiávü ñai aviá ñamicacure aru ina abiácovare máre. Cūináro ne yóbecuecarö ãmedaino mateávü náre coapa. Que baru caivu ina yópe yóbecue coavaiyepe náre, cūináro iye yóbecuecarö ñemiteavü náre coapa. Yóvaichvaiora järavure ñai aviá bóbeteame. Aru yóvaichvaiora ñamine ina ñamicavu máre pëometeima.

13 Aru jácacu cūinácu míyavipe páyure, águila ãmicchire. Vuyu bateáme pare ñmhi, cavarö corica bajui, aviá ñi cáröi järavu corica baji. Jápiacacu ñi yópe ainore yávaino bñjinoque:

—Ámeno bajutamu. Ina apevu yóbecurä

ángeleleva ne japurājiyede ne japuiyoare āmeno baju vaiquíyebu ijāravucavu Jesúre jū abevure, arī codoboboame ū.

9

¹ Aru yóvaichavaivui yóbocacu ángele japuáme ūi japuiyore. Ūi japuiyede, jācacu cūinácu ángele abiácorupe ãrojacu tuya bácre cavarõre jocarī pu joborōita. Jím u mateáme llavede, voachuyu ecoino ūmujuricobede abujuva ne napini coreinoi ecoinore. ² Nai abiácoru voame no ūmujuricobe ecoinore. Ūi voaiyede nore, toabico etavu dicobede jocarī. Yópe toabo urarō uruiyede bico urarō etaiyepē bateávū die toabico. Aru die toabico ñemié ture dávū aviá ūi boiyede aru ūmevure máre. ³ Aru no toabicore jocarī mujuñuva darī ēmeima joborōita. Ina mujuñuva paruáde jímara mateima, dorenajivu yópe muriva joborōcavupe. ⁴ Āmedaicōjememara mateima caiye cōriáre, caicua jocucuare, aru caiye ape pīaiyede máre. Quénora ina jādovamemara mácavure ne tūtuvarā Jāmenijicu jinape quévura ñajine daicōjeimara mateima ina mujuñuva. ⁵ Ubenita boarī jaruvaicōjememara mateima ina ne dorenajimarare. Quénora ñajine daicōjeimara mateima náre cūinápurupe paiaviava baju. Ina ne doreimara ñajima yópe pōecu ñájiyepē muri doreiyede. ⁶ Ina ne doreimara ñájinajarama pare ãnijāravu baquiyéde. Ne ãmei ñájiye boje, yaiyurajarama na. Ubenita yaino jēmequiyebu náre. ⁷ Ina mujuñuva ãrojateima yópe caballova meadaimara mácavu boarānurajivupe. Ne jipobui cuvateima náre coapa apede yópe jipobu

adaitarabua úruque daitarabape. Aru ne jiva náre coapa ûmvai jivape ãrojateavã. ⁸ Ne poda náre coapa nomivai podape ãrojateavã. Aru ne cõpiá máre león ãmiccu ãimacu yavipe páyui cõpiápe ãrojateavã. ⁹ Ne ñarebare cuveteima náre coapa apede yópe cûmaicajea tâucajeape p^oiyede. Ne caveá máre bujiteavã yópe p^oeva boarânuivu jâtu^uricu*c*aballovaque cûyaivu bujiépe. ¹⁰ Ne p^oicomua náre coapa muri p^oicomupe ãrojateavã. Aru doreima yópe muri ûi doreiyepe. Ne p^oicomuaque ñájine darí majiteima p^oevare cûinápu*r*upe paiaaviava baju. ¹¹ Ina mujuñuva ne jabocu cûteame. Ù mateáme ñai ángele jâri coreyu dicobe ûmju*ricobede*. Hebreovai yávaicamuaque Abadón ãmicubi. Aru griegovai yávaicamuaque Apolión ãmicubi. Que aino p^oevare, ñájine dayu aiyu*r*õtamu.

¹² Que teiyede, cûináro ñájiovaino vaiávã. Ùbenita p^ocarôa javu câreja.

¹³ No yóboi, cûinápu*r*upe paivui yóbocacu ángele japuáme ûi japuiyore. Ùi japuiyede, jápiacacu yu cûinácu ûi yávainore. No yávaino etavã Jâmenijicure jícayede juaiva úruque daivare jocarí. Diva Jâmenijicu jipocai curivai yóvaicvaitõbuare jocarí etavã no yávaino. ¹⁴ Yópe arí, coyuávã no yávaino ñai ángele ûi japuiyore cuvacure:

—Jodejacu ina yóvaicvaivu ángelevare buoimara mácavure jia urada Éufrates ãmicariya yebai, arí coyuávã.

¹⁵ Que baru ina yóvaicvaivu ángeleva jodeimara mateima. Meadaimara mácavu batequémavu, boarí jaruvarajivu obedivu p^oeva ijâravucavure. Caivu yajubo carivupe yóbecrâque cûinácure

boarī jarūvarājivu bateima na. Meadaimara mácavu batequémavu nópe ðarājivuva cūináora beoiorare, cūinájāravu beoijāravure, cūinácu aviá beoiaviare, aru cūináuju beoiujure máre. **16** Jápiacacu yu aipivu churarava caballovarā tubarivu daivure. Caivu ne obeno doscientos millones paivu cíteimada na.

17 Yópe decoboainope jācacu ina caballovare aru nára tubarivure máre. Ne ñarebare c̄vateima náre coapa cūmaicajea tāucajeare. Jūaro baju toape, jāmeno cavarōpe, aru cārajumeno azufrepe máre jācacu yu ne cūmaicajeare. Ina caballosa ne jipobua yópe león āmicucu āimacu yavipe páyui jipobupe bateávā. Aru ne jjecamuare jocarī etavā toa, bico, aru azufrede máre. **18** Iye toa, bico, aru azufreque máre boarī jarūvaima na obedivu pōeva ijāravucavure. Caivu yóbecurā c̄arivu, cūinácu nácacure boarī jarūvaima ina caballosa. **19** Ne boarī jarūvaiye paruē cíteavā ne jjecamui aru ne pīcomui máre. Ne pīcomua yópe āðavape bateávā. Ne pīcomuaque cūima pōevare yópe āðavai cūiyepa, ijide ðarājivu náre.

20 Caiye iye vainíburu yóbore, ina pōeva ijāravucavu yaibévu bácvu cāreja ye jarūvaiyubeteima na ne pēpeimara mácavure. Quénora dajocabeteima ne mearore jíyede abujuvare. Aru dajocabeteima ne mearore jíyede pēpeimara mácavure. Ina pēpeimara mácavu pōeva ne ðaimara mácavbu úruque, aru plataque, bronceque, cāraboaque, aru jocucuaque máre. Nárecabu yéde jāri majibevu aru jápiarī majibevu. Aru cuivu máre bujabema. **21** Aru ch̄iomevu, ne āmeina teiyede jarūvaiyubevu, oatvabeteima ne

daiyede. Dajocabeteima ne boarī jaravaiyede pōevare, ne yavié teiyede, ne āmeina daiyede apevāque némarebuc̄ava āmevāque, aru ne ñavaiyede máre.

10

*Juan ūi coyūino ángelena ñai c̄uvacurā quījiyoca paperayoca cāriáiyocare
(Hch 4.24)*

¹ No yóboi, jācacu apecu ángele paruc̄ure, ēmeñure cavarō mearo Jāmenijicui curōre jocarī. Cūinábo ocopenibo cūmavu ūre. Cūinácu náme cāteame ūi jipobu p̄uenoi. Uí jiva pēoávu yópe aviái pēoiyepo. Aru ūi áraodoa yópe edivea uruiyepo toaque árojae mateávū. ² C̄vateame ūi p̄urui cūnáyoca quījiyoca paperayoca cāriáiyocare. Diyoca voaiyoca bácarō mateávū. Núteame ūi c̄uboba meapūravucacubobaque jia uradai aru ūi c̄uboba cācopūravucacubobaque joborōi. ³ Codoboboame yávaino bujinoque yópe león āmichucu āimacu yavipe páyhi codoboboiyepo. Uí codoboboriburu yóbore, jápiacacu siete painoa õpo t̄hinoare. ⁴ Ópo t̄hriburu yóboi, toivajurocua batecácua ne yávainore. Ubenita jápiacacu apeno yávaino cavarō mearo Jāmenijicui curōre jocarī. Yópe arī, coyūávū yure:

—No yávainore, siete painoa õpo t̄hinoa coyūino mácarōre mure toivabejacu m̄a. Yavejacu caivure jocarī ne coyūino mácarōre, arī coyūávū yure.

⁵ Dinūmure ñai ángele, ji jāimacu mácu núcure jia uradai aru joborōi máre, jāmūdame ūi p̄urui

meapūravucapurare cavarō mearo Jāmenijicai curōi. Aru yópe arī, coyuháme:

6 —Jāmenijicurecabe apuca cainumua. Úrecabe cuedayu bácu cavarōre aru caivu cavarōcavure aru caiye cavarōquede máre, aru joborōre aru caivu joborōcavure aru caiye joborōquede máre, aru jia uradare aru caivu jia uradacavure aru caiye jia uradaquede máre. Ñai Jāmenijicu dare dajacurī yópe ji aiyepe: Napini corequiye cübejadeni. Jāravu cūiquíyebu. **7** Quénora apecu ángele, ina siete paivu piniducacu, ñi japuri baiyede ñi japuiyore, Jāmenijicu dacuyume yópe ñi dápiaiye báquepedeca. Dacuyume yópe ñi jādovameno mácarōpe jipocamia ñi coyuhíye báquede ina ñi yávaiyede coyucaipōeva mácavu úre memecaivu bácvure, arī coyuháme ñai ángele.

8 Dinumare jápiacacu bedióva cojedeca no yávainore, ji jápiaiye báquede cavarō mearo Jāmenijicai curōre jocarī. Yópe arī, coyuhávñ yure:

—Ícunujacu diyoca quíjiyoca paperayoca cāriáiyoca voaiyocare ñai ángele núcua jia uradai aru joborōi máre ñi purure jocarī, arī coyuhávñ yure.

9 Que baru ñai ángele yebai n̄ri jēniacacu, ñi jíquiyepo ayu yure diyoca quíjiyocare. Aru úcapūravu áme yure:

—Iyocare ñi ájacu. Jāmetequiyebu mi yapibui. Übenita mi jijecamure mumicorope ēmijuhquiyebu, áme yure.

10 Diyoca quíjiyocare ícacu ñi purure jocarī. Aru ácacu yu. Mumicoro ēmijuhquiepe dāpurateavñ ji ji-

jecamure. Ùbenita jārhóriburu yóboi jāmeteavü ji yapibüre. ¹¹ Dinumüre coyüima yüre, yópe arí:

—Jaüvü müre mi Jämenijicüi yávaiyede coyücaquiyepo cojedeca ina obedivü ñamaroacavüra, aru pöeyajuboacavüra, yávaicamuacavüra, aru jabovarä máre, arí coyüima yüre.

11

*Juan üi coyüino ina pücarä coyücaipöevara
(Lc 21.24; Ap 6.12; 8.5; 13.5-7; 16.18-21; 17.8)*

¹ Maje jabocü jiame yüre cüinádo corevaiyore yópe aboñiyope paiyore. Aru coyüáme yüre, yópe arí:

—Corevacüñjacü mü Jämenijicüi cäramine, aru üre jícayıyede juavare aru ina mearore jívüre üre nore máre. ² Ùbenita corevabejacü tääbüre Jämenijicüi cärami jedevare, judíova ämevüre jíno mácaröre. Ina judíova ämevu bíjaroräjarama no ñamaro Jämenijicü jinore cuarenta y dos paivava baju. ³ Aru yü jarochümu pücarä ümavare, ne coyücaräjiyepo ayü yurä apevüre mil doscientos sesenta paíjärvua baju pü apevüre náre boarí jarüvaiyeta. Ina pücarä doräjarama cuitótecajeare yópe pöeva ne doiyepo oräjivü yaivü bácvüre, arí coyüáme yüre.

⁴ Ina pücarä coyücaivü üra, jëvari coyüri nárecabu íchüá pucacüa jocüca olivo ämicüricüa ijärvücaväi jabocü jipocarä cüricüape paivü. Aru jëvari coyüri nárecabu ijaraboa pücajaraboa pëoibüa tñoijaraboa ijärvücaväi jabocü jipocarä cürijaraboaape paivü máre. ⁵ Ácu pöecü üi ñajine daiyüríduru náre, toa etarí ne jijecamure jocarí

ēni bíjaroquiyebu ne mauvare. Que baru nópe yainájarama ñájine daiyuriduivu ina pucarāre.

6 Ina pucarā parué cavarivabu ocabede darí buojarajivu ne coyuyedeca cāreja Jāmenijicurā. Aru parué cavarivabu jivetede daivu buojarajivu oco pīapóinoare. Aru duica ijié cāre daivu buojarajivabu máre ijāravucavure aipino ne urōpe.

7 Ina pucarā ne buojaiyede ne coyuyedeca, ñai ãimacu jijecacu ãmecu muñu ãmujuricobede jocarí ãdamatecuyume náre. Ñadamateni, vainí tūrī, boarí jarvacuyume náre.

8 Yaivu bácvu ne bajuá báque c̄uquiyebu urarō ñimarocamara, ne Jesucristore boarí jarvacuñimaro, ne pēvaiye báquede úre jocucujaravena. Diñmarore pōeva adama “Sodoma” aru “Egipto” máre, ne jādovarajiyepa aivu aipe ãmeno ãrojarore no ñimarore. **9** Cainoa ñimaroacavu, aru caiyajuboa pōeyajuboacavu, caicamua yávaicamuacavu, aru caijaborōacavu máre jārajarama ina yaivu bácvu ne bajuá báquede yóbecurijāravu corica bajureca. Yuarí jarvacuicōjemenajarama na ne bajuá báquede. **10** Ijāravucavu Jesucristore ju abevu torojurājarama ina pucarā ne yaiye boje. Ina pucarā Jāmenijicu yávaiyede coyucapōeva mácvu ne ñájine daiye báque boje pare ijāravucavu pōevare, nácapūravu torojuve teni jinajarama ne bojecubeda jíyude ne baju.

11 Ùbenita yóbecurijāravu corica bajureca cāreja nore cárburu yóboi, Jāmenijicu náre nacovari yainore jaravarí, apure daquemavu náre cojedeca. Que baru nacajaima ina pucarā. Aru caivu ina jāivu bácvu nacajaivure cuecumaima pare.

12 Dinumare ina pucarā Jūmenijicai yávaiyede coyūcaipōeva jāpiaima apeno yávainore bujinoque, yópe ainore cavarō mearo Jūmenijicai curōre jocari:

—Muri dajarā yui, ávā náre.

Ne mauvai jāiyedeca náre, muri naima ina pucarā ocopeniboque pu cavarō mearo Jūmenijicai curōita. **13** Aru dinumumiareca joborō cūjiavā pare. Yópe caipucapurape paide coavaiyepe caino no īmarore, cūináro iye caipucapurape paileyerō bíjavā. Aru siete mil baju pōeva yaima no joborō cūjiye boje. Caivu apevū diimarocavu apurivu cāreja cuecumaima pare aru mearore jíma ñai Jūmenijicu cavarō mearocacure.

14 Que teniburu yóbore, pucarōa ñájiovainoa vaiávā caride. Ùbenita cūináro jaivu cāreja. Maumejiena vaiquíyebu no.

*Juan ñi coyūino siete ángeleva pinidcacu
japuiyena ñi japuiyo trompeta ãmicriyore*

15 No yóboi, apecu ángele, ina siete paivu pinidcacu, japuáme ñi japuiyore. Ùi japuiyede, yópe arī, coyūima obedivu cavarō mearo Jūmenijicai curōcavu bujíequé:

Caride maje jabocu Cristo que jaboteivubu caivu ijāravucavure. Aru úrecabe jabotecayu cainumua, arī coyūima na.

16 Dinumare ina veinticuatro paivu bucava dobarivu jabovai dobarōa mearoai Jūmenijicai jipocai joborōita mori tūrī mearore jíma ére. **17** Que teni yópe arī, coyūima:

Ma, ñu je jabocu Jämenijicu, parucu caivu pñeno, cucus caride aru cucus bácu javede, torojñede jívubu mñre. Mñrecabu jabetoni býu caivu pñevare mi parue ureque. Que baru torojñede jívubu mñre. ¹⁸ Eaivu yo järavu mi jädovaijäravu mi jorojñi jäiyede pñeva ne ämeina teiye boje. Eaivu yo järavu mi järi corevaijäravu caivu ina yaivu bácvare ne daiye báquede. Que baru caivu ijäravucavu mñre ju abevu jjiateima pare. Caride eaivu yo järavu mi bojedaijäravu pñevare ne daiye báque bojede. Me bojedacuñumu ma caivu mñre memecaivare, ina mi yávaiyede coyacaipñevare aru mi pñevare, ina mñre puedaivare máre, quñjinare aru bñcuvare máre. Aru bíjaroquijivu ma caivu ina ijäravucavu apevare ñajine daivare, arñ coyima na.

¹⁹ No yóboi, Jämenijichí cärami, cavarõ mearo ñi cäroí cäriñami voavu. Nore jäino mateávü ãnitõcu ina judíovai adaitõcure iveá cäravea Jämenijicu “Yópe dacacuyumu yu mñjare”, ñi arñ toivaiye báque cäritõcure. Aru yaroino cojiteavu, yávaino bñjino jápureavu, ñpo tuavu, joborõ cújiavu, aru ocaino jääjaro yópe cärajiboape tuavu máre.

12

*Juan ñi coyñino nomiôra aru ñijuacñrã máre
(Lc 10.18; Jud 9)*

¹ No yóboi, cüináro jädovaino urarõ jároteavu cavarõi. Jároteaco cüináco nomiô cümaimo máco aviáque yópe cuitótecajede cümaiyepe. Núteaco

aviá ñamicacu p̄uenora. Ói jipobu cûteavu jipobu adaitarabu doce paivu abiácovaque. ² Micaco, j̄edocuvacodo bateáco maumejiena. Que baru pare odo bateáco, òre ijié boje. ³ Aru jâcacu. Apeno jâdovaino urarõ jároteavu cavarõi. Jároteame cûinácu ãijuacu uracu baju. Siete paibua jipobua c̄uca bateáme caipucapuruape paijavaroaque. Cûteavu ãi jipobu coapa cûinátarabu jipobu adaitarabu. ⁴ Ùi p̄icomuque jabuboame obedivu abiácovare cavarõre jocarõ p̄a joborõita. Caivu yóbecurã abiácova curivu, cûináture jabuborõ ture dâme ù joborõita. Ñai ãijuacu mauteame ico nomiô jipocai, ãcuyu òi j̄edocuvacojimure mama põeteyura. ⁵ Ico nomiô j̄edocuivateaco mamacu ûmújicure, jabotecayure caivu põevare paruéque, yópe ùi chvajroepa abodo tâuque daiyore. Que baru ñame dabejebu yópe ùi cõjeiyepa. Ùbenita ñai j̄edocu ñi ñuvaimu mateáme p̄a Jümenijicu yebaita, jaboci dobarõ mearoita. ⁶ Aru ico nomiô dupini n̄aco põecubenoi, Jümenijicu òre meadacaino mácarõi. Nore ãiye jímo macodóme õ mil doscientos sesenta paijâravu baju.

⁷ No yóboi, ãdamateino mateáv u cavarõ mearo Jümenijicu curõi. Ángelevai jabocu ùi ãmiá Miguel ùi ángelevaque ãdamateame ñai ãijuacure. Aru ñai ãijuacu máre ùi ángelevaque ãdamateniduame Miguejâre copu. ⁸ Ùbenita ãijuacujâcapûravu ye vainí tûbeteima na, Miguejâcapûravure. Que baru ãijuacujâre cavarõ mearo Jümenijicu curõre mauteicõjememara mateima na cäreja. ⁹ Que baru ñai ãijuacu uracu ne jaetovaimu mateáme cavarõ mearo Jümenijicu curõre jocarõ. Ùrecabe

ãñhã ãijuacã javecacã ãi ãmiá Satanás, abujuvai jabocã. Ùrecabe jujovayã caivã ijãravucavare. Ù ãi ángelevaque, nárecabu ãi jaetovaimara mácavã cavarõ mearo Jãmenijicãi carõre jocarã pã joborõita.

10 Dinumare jápiacacã apeno yávainore bujinoque, yópe ainore cavarõ mearo Jãmenijicãi carõre jocarã:

—Caride jave eaivã Jãmenijicãi meadaijãravã põevare. Jãmenijicã jãdovaimi ãi paruéque ãi jaboteiyede. Cristo máre jãdovaimi ãi paruéde. Caride jaetovaimame cavarõ mearo Jãmenijicãi carõre jocarã abujuvai jabocã, ñai boro coyurã adaipõecã báçã majevã Jesucristore ju aipõevare. Jipocamia ñai núçã bateáme Jãmenijicã jipocai, boro coyurã adacayã náre jãravare aru ñamine máre. **11** Cristo, ñai ovejajicã ne aimã, ãi jive meiye báqueque bojedarejaquemavã majevã Jesucristore ju aipõevare ne ãmeina teiyede. Ne ju aiyeque vainí tãyama ñai abujuvai jabocare. Aru coyaima Jãmenijicãi yávaiyede dajocabevãva “Jãvemu” ne aiyede Jesucristoi yávaiye méne. Aru iye ne yávaiye méne coyuiyeque máre vainí tãyama ñai abujuvai jabocare. Boarã jaravarãjimaravacari ne nópe bueiye boje Cristo jiede, nácapûravã buede ñaivã bateima ù jiede dajocabevãva. Que baru jecabení ne baju apuéde ijãravui, jidãbevãva napini coreima ne yainájinore. Que baru boro coyurã adaino cãbevã náre copã caride. **12** Que baru torojue cãquiyebu cavarõ mearo Jãmenijicãi carõi. Torojuejarã muja cavarõ mearo Jãmenijicãi carõcavã. Ùbenita pare chãorajarama ijãravucavã, ina

joborõi c̄uriv̄ aru ina jia ̄radai c̄uriv̄ máre. Ñai abujuvai jaboc̄ ēmeimi m̄uje yebai jaraȳ baju, ̄i coreóvaiye boje maumejena ñájichyare.

Nópe jápiac̄ u ȳ.

13 Ñai ̄aijuac̄ ̄i coreóvaiyede ̄i baju ne jaetovaimu mácure joborõita, cujuáme ico nomióre, macure juedoc̄vaco bácore. **14** Ʌbenita ̄capūrav̄ jímo mateáco p̄cacavea, míyavipe águila ̄amicuchi caveáre, vucodo p̄oecabenoi, Jämenijicai õre jíno mácarõre ̄i c̄uröita ̄aijuacure jocar̄ joaita. Nore ̄aiye jíye jauequiye bateáv̄ õre yóbecurijua aru apeñu corica bají. **15** Dinamure ñai ̄aijuac̄capūrav̄ jēcuturi japuri jaroáme ̄rarõ ocore ̄i jijecamure jocar̄ yópe jiape, ̄i m̄icojiyepo ar̄iduyu õre, ̄i bíjacojiyepo ar̄iduyu. **16** Ʌbenita yo joborõ cdateav̄ õre. Yo joborõ järüóiyepo eláv̄ iye ̄rarõ ocore, ñai ̄aijuachi jēcuturi japuri jaroíye báquede. **17** Que baru ñai ̄aijuac̄ pare jijateȳ õre, ̄damatecñuame caiv̄ apev̄ ̄i p̄aramenaque copu. Nárecabu caiv̄ ina ju aiv̄ Jämenijichi daicōjeiyede aru dajocabev̄va coyñiv̄ Jesúz ̄i yávaiyede jávene p̄ apev̄ náre boar̄ jarv̄vaiyeta. **18** Aru ñai ̄aijuac̄ núcñuame ̄pacūra jia ̄rada ̄ecarui.

13

*Juan ̄i coyñino ina p̄carã ̄imara jijecuriv̄rã
(Mt 24.24; 2 Ts 2.9-10; Ap 3.5; 17.3, 7-12)*

1 Dinamure jācac̄ cūinácu ̄ame ̄imac̄ jijecucure m̄ari dayare jia ̄radare jocar̄. Siete paibua jipobua c̄ac̄ bateáme caip̄capur̄uape paíjavaroaque. Cúteav̄ ̄i javaroa coapa cūinátarabu jipobu adaitarabu aru ̄i jipobua

coapa ãmiá ãmeãmiare toivaino mácarõ. No ãmiá cojubeteavã Jãmenijicãre. ² Ñai ji jãimã yópe ãrojateame: Yavipe páyã bateáme ãi baju. ãi cãboba miei cãbobape bateávã. Aru ãi jijecamu ãimacã jijecãcu león ãmicãcu jijecamupe bateávã. Ñai ãijuacã jiame ãi parãéde ñai ãimacãre. Dobaicõjeame jabocãi dobarõ mearora. Aru jaboteicõjeame ãre obedivã põevare. ³ Ñai ãimacãre, cãinábã ãi jipobãacabã yaivájúrorichuri bácarõ curõ ãrojateavã. ãbenita no churi bácarõvacari paparã meateavã. No churi meateinore jãivãvata, caivã ijãravãcavã Jesúre ju abevã pare cuecumaima. Aru naima na ñai ãimacã yóboi, ne ju aiye boje ãi bueiyede. ⁴ Coreóvaima na ñai ãijuacã jíyã bácre ãi parãéde ñai ãimacãre. Que baru mearore jíma ñai ãijuacãre. Aru mearore jíma ñai ãimacãre máre. Yópe arã, mearore jíma na:

—Apecã cãbebi parãcu ñai ãimacãpe páyã. Ñame maucãvarã, ãdamateni vainí tãivã buojabenama ãre, aima na.

⁵ Ñai ãimacã coyñicõjeimã mateáme, “¿Meachã bárica yã apevã pñeno?” acayã aru ãmeina yávacãyã Jãmenijicãre máre. Aru jaboteicõjeimã mateáme cuarenta y dos paiaaviava baju. ⁶ Que baru ãmeina yávame Jãmenijicãrã, aru ãi cãramina, aru caivã ina cavarõ mearo Jãmenijicãi curõi cãrivãrã máre. ⁷ ãdamateicõjeimã mateáme Jãmenijicãi põevare copã ãi vainí tãiyeta. Aru jaboteicõjeimã mateáme caiyajuboa põeyajuboacavãre, aru caïñmaroacavãre, caicamua yávaicamuacavãre, aru caijaborõacavãre máre. ⁸ Ñai ãimacãre mearore jínajarama caivã ijãravãcavã

Jesúre ju abevu. Námu ne ãmiáre toivabemara mácavu ãnitucubo paperatucuboi, caivu ina jãravu cûiméjãravu baquinóre chvarâjivure ne ãmiáre toivaitucuboi. Ditucubo Cristo, ovejajícu ne aimu, ui tucubobu. Ñai ovejajícu ne boaru jaruvaimu macuyure Jûmenijicu majidejaquemavu ui chedaquiye jipocai ijãravure.

9 Caivu me jápiajaru. **10** Ina buoimara márajivu, juve buoimara marajárama na. Aru ina boaru jaruvaimara márajivu, juve boaru jaruvaimara marajárama na.

Que baru caivu Jûmenijicui poevare juve ne napiye jauquiyebu caiye ne ñájiyede. Aru juve ne ju aiye jauquiyebu náre dajocabevuva Jûmenijicui coyuiye báquede ui mearo dacaquiyede náre.

11 No yóboi, jucacu apecu ãme ãimacu jijecure muri dayure joborõre jocaru. Pucarõa javaroa chvateame yópe ovejai javaroape. Ubenita yávame yópe ãijuacui yávaiyepu. **12** Ñai ãimacu jia uradare jocaru dayu bácu chvateame ure paruéde. Caiye ui paruéde chvateame ñai ãimacu joborõre jocaru dayu bácu. Ñai jia uradare dayu bácu juainoi ñai joborõre dayu bácu jaboteame ure paruéque. Caivu ijãravucavu Jesúre ju abevure mearore jíde dámure ñai jia uradare dayu bácu, ñai churi meateino mácarõre chvacure. **13** Aru ure poeva ne udaru majibede máre dámure u. Toabore jõdaicõjeame cavarõre jocaru pu joborõita caivu poeva ne juainoi. **14** Poeva ne udaru majibede daicõjeimu mateáme u ñai jia uradare dayu bácu juainoi. Yópe udaru juovame caivu ijãravucavu Jesúre ju abevure. Daicõjeame náre, ne popeimure ne puedarujíyepu

ayu ñai ãimacu apacare cãreja, buraimu mácreca boaicaroveque. ¹⁵ Ne pêpeimure ðariburu yóboi, ñai joborõre dayu bácu ûmene japuscõjeimu mateáme pêpeimure, yávayu ûi buojaquiyepo ayu aru boarí jaravaicõjeñu ûi buojaquiyepo ayu caivu ina mearore jíyubevure úre.

¹⁶ Toivaicõjeame caivu põevare ne puru meapûravurã o ne tâtavarã. Quijinare aru bucavare máre, cuve cavarivare aru cuve cavarabevare máre, yebacavare aru yebacavu ãmevare máre, caivare toivaicõjeame û. ¹⁷ Ácu põecu cavarbecu baru no toivainore, bojedarí ïñu aru jíni bojedayu máre buojabeteame. No toivaino mateávü ñai jia uradare dayu báci ãmiá o yo número ûi ãmiáque curõ. ¹⁸ Majié jañvu úre coreóvaiyacare nore. Ñai coreóvayu corevajacarí ñai ãme ãimacu jijecuchu númerore. Yo númerobu põechu número. Yo númerobu seiscientos sesenta y seis.

14

Juan ûi coyino ina ciento cuarenta y cuatro mil paivu baju yuriaivurã

(Stg 1.18; Ap 7.3)

¹ No yóboi, jâcacu cojedeca. Jâcacu Cristore, ovejajicu ne aimu, núcre Sión ãmicricu cãracui. Aru úque cûteima obedivu põeva, ciento cuarenta y cuatro mil paivu baju. Nárecabu cavarivu ûi ãmiáre aru jípacu ãmiáre máre toivaino mácarõre ne tâtavarã náre coapa. ² Que teni jápiacachu cûináro bujinore cavarõ mearo Jämenijicu curõre jocarí. Japurateavü yópe cûratâcuve uratâcuve bujinope aru

yópe ñpo taino pñeno baju bñjinope. Yópe obedivñ biabeiboare arpa ãmicuriboare ne upaiye bñjiépe japurateavñ no bñjino. ³ Ina ciento cuarenta y cuatro mil paivñ baju pñeva yñriaima yo yñriaino mamarore no jabochi dobarõ mearo coricacarõ jipocai, ina yóvaicavaivñ apñrivñ aru ina veinticuatro paivñ bñcava ne jñinoi. Ina ciento cuarenta y cuatro mil paivñ baju ijäravucavñ Cristoi meadaimara mácavñ quévura yñriarñ majiteima no yñriaino mamarore. Apecñ cabebi yñriarñ bñojayñ nore. ⁴ Inarecabu ãmetebevñ bácvñ nomivaque. Nomivaque cabeteima na. Nárecabu nñivñ ñai ovejajích yóboi ãri ñi nñinoi. Nárecabu bojedaimara mácavñ caivñ ijäravucavñ jñneboi, jñajimara márajivñ Jñmenijicare aru ñai ovejajíchre máre yópe jëidña mamarumñ bñcidua pñeno mearua jíyepo. ⁵ Nárecabu ye borocubevñ aru ye ãmeno cabevñ máre cainumña.

*Juan ñi coyñino yóbecurã ángeleva ne coyñiyena
(Ap 10.6; 16.19; 18.2)*

⁶ No yóboi, jñcacñ apecñ ángel, vñyare pare ñmñi, cavarõ coricai aviá ñi curõi jñravñ corica bají. Coyñáme iye coyñiye cñiméne cainamua caivñ ijäravucavñ ne jñpiaiyede. Coyñáme caijaborõacavare, aru caiyajuboa pñeyajuboacavare, caicamua yávaicamuacavare, aru caiñmaroacavare máre. ⁷ Yópe arñ, coyñáme yávaino bñjinoque:

—Puedajarã Jñmenijicure. Mearore jíjarã ñre ñi pñeno majié boje. Eaivñ iora pñevare ñi ñájiovaquiora ne ãmeina teiye boje. Que baru mearore jíjarã ñai dayñ bácre cavarõre, aru

joborõre, jia ʉradare, aru oco pĩapóinoare máre, arĩ coyʉáme ñai ángele.

8 Apecʉ ángele dáme ñi yóboi, yópe arĩ coyʉʉ:

—Jave bíjaivʉ no ñimaro ʉrarõ Babilonia ãmicʉrõ. No ñimarocavʉ ne pare ãmeina daiye báque boje aru ne pare ãmeina dare daiye báque boje caivʉ ijãravʉcavʉ Jesucristore jʉ abevʉre caijaborõai, bíjare daimaramu na, arĩ coyʉáme ñai ángele.

9-10 Apecʉ ángele dáme ina pʉcarã yóboi, yópe arĩ, yávaino bujinoque coyʉáme:

—Pare ñájinajarama caivʉ ina mearore jívʉ ñai ãme ãimacʉ jijecʉcʉ jia ʉradare dayʉ báçure aru ñi pẽpeimʉre máre, aru ina toivare daicõjeivʉ ne tátʉvarã náre coapa aru ne purʉrã máre ñi ãmiáque o ñi númeroque máre. Ne que daiye boje, Jãmenijicʉ pare jorojñi jãñʉ náre, ñájine dacʉyʉme náre pare yópe ñi aiye báquepedeca. Que teni ñocʉyʉme náre azufre ãmicʉe tãu uruino jívhi, ñi ángeleva meara baju aru Cristo, ovejajícʉ ne aimʉ, máre ne jãiyede.

11 Ibo toabo náre ñájiovaibore jocarĩ bico porĩ maivʉ Cainʉmʉa. Que baru cüiméquiyebu ne ñájiye. Quénora jabʉóvabevʉva ñájinajarama jãravʉre aru ñamine máre caivʉ ina mearore jívʉ ñai jia ʉradare dayʉ báçure aru ñi pẽpeimʉre máre, aru ina toivare daicõjeivʉ ne bajure ñi ãmiáque, arĩ coyʉáme ñai ángele.

12 Que baru Jãmenijicai põeva, ina jʉ aivʉre ñi daicõjeiyede aru jʉ aivʉ Jesúre máre dajocabevʉva ne jʉ aiyede ñre Cainʉmʉa, nácapñravʉre jãve ne napiye jaquiyebu ure ne ñájiye.

13 Dinumare jápiacach cūináro yávainore cavarō mearo Jāmenijicai cárōre jocarī. Yópe arī, coyuávā yure:

—Yópe arī, toivajacu mū: “Caride aru cainumha torojurājarama caivu yainájivu cérivu Jesucristo que cūinávape”, toivaicōjeame yure.

Aru ñai Espíritu Santo ju arī coyuáme:

—Jāvemu. Cūivú ne ñájiye. Quénora jabuóvarājarama. Dajocarājarama ne pare memecaiyede. Aru cavarājarama ne memecaino mácarō boje méne, arī coyuáme ñai Espíritu Santo.

Juan ñi coyuino Jāmenijicai daquinora ijāravucavure yópe pōeva ne daiyepē ñajivu ne oteiye báquede

(Ap 19.15)

14 Dinumare jācacu cojedeca. Cúteavu cūinábo ocopenibo boribo. Aru diborā dobateame cūinácu. Maja, pōevape ãrojacu bateáme ñi. Cuvateame cūinátarabu jipobu adaitarabu úruque daitarabure ñi jipobi. Aru dñruáme cūináve tāuve oteiyede buraiive jevacurivede ñi purui. **15** Dinumare apecu ángele etame Jāmenijicai cáramine jocarī. Yópe arī, yávaino bujinoque coyuáme ñai dobacure ocopeniborā:

—Jave eaivu iye oteiye jēijāravu. Iye oteiye ijāravui buchuiyebu. Que baru burarī ñjacu mū iye oteiye buchuiyede, arī coyuáme ñai ángele.

16 ñi que aiyeda, ñai dobacu bácu ocopeniborā burarī ñame caiye iye oteiye buchuiyede ijāravure jocarī.

17 No yóboi, apecu ángele etame Jāmenijicai cáramine jocarī no cavarō mearo ñi cárōi. ñi

máre c̄avateame cūináve tāuve jēiduare buraive jevacurivede ñai purui. ¹⁸ Dinumure apecu ángele, ñai toare jāri coreyu, etame Jāmenijicure jícaiyede juavare jocarī. Yópe arī, yávaino bujinoque coyuáme ñai ángele ive tāuve oteiyede buraive jevacurivede c̄vacare:

—Iboá vino úyaiboa ijāravacaboa ñemiboabu caride. Que baru burarī ñjacu m̄ iboá vino úyaiboa ñemiboare, arī coyuáme ñai ángele.

¹⁹ ñi que aiyeda, ñai ángele ive tāuve oteiyede buraive jevacurivede c̄vacu burarī ñame caiboa iboáre némure vino úyaimure jocarī. Burarī ñiniburu yóboi, d̄avame iboáre pipoino jívai. Yópe ñarī Jāmenijicu, pare jorojñi jāñu, ñajine ñacuyume obedivu p̄ovare, ne ãmeina teiye boje. Que aiyarōtam no. ²⁰ Yópe vino úyaiboare pipoiçorore yuaiyepo, nopedeca Jāmenijicu ñajine ñaimara ñajima ñimaro jedevai. Aru ne jive etaiyede yuarī yabovaiyepo n̄uavu p̄u trescientos paikilometros joaita aru eavu caballovare cõjeimeita.

15

Juan ñi coyuino iye siete paiye ñájiovaiye yóboquede

¹ Dinumure jācacu apeno jādovaino ñararōre cavarōi. Cuecumacacu ji jāiyede nore. Cúteima siete paivu ángeleva c̄varivu náre coapa siete paiye ñájiovaiye yóboquede. Iye siete paiye ñájiovaiye vainíburu yóboi, Jāmenijicu ye ñajine ñabecabe p̄ovare cojedeca. Iye siete paiye ñájiovaiye que Jāmenijicu buojacuyume ñi jādovaiyede ñi jorojñi jāiyede.

² Aru jācach apedare yópe jia hrada jivarape ubenita me jāri javaiyo*ya* bateávu. Aru toaque jīvainope ārojateavu diya jívui. Diya ēcarai núteima ina vainí tuivu bácvu ñai āme āimacu jijecucu jia hradare dayu bácvre. Vainí tuima āre ne mearore jíbe báque boje āre aru ñi pēpeimure máre. Vainí tuima āre ne toivaicōjeme máque boje ne bajurā yo número ñi āmiáque curōre. Ina vainí tuivu bácvu cuvateima biabeiboare arpa āmichriboare, Jāmenijicu jíboare, ne purai cuvarivu náre coapa. ³ Yuriaima na yo yuriaino Moisés bácu Jāmenijicu memecayu báci yuriaino mácarōre aru Cristo, oveja*jí*cu ne aimu, ñi yuriainore máre. Yópe arñ, yuriaima na:

Mu, ñuje jabocu Jāmenijicu, parucu caivu pueno, caiye mi daiye hrebu aru cuavaiyebu máre. Mu jaboteyubu caivu poevre, caijaborōacavure. Caiye mi daiye mému aru jāvemu máre. ⁴ Mu, ñuje jabocu, caivu poeva puedarājaramu ñuja mure jāve. Caivu poeva mearore jínajaramu ñuja mure jāve. Mu cuináchrabu meacu. Caivu poeva caijaborōacavu mure mearore jínadarājarama ne jāiye boje mi daiye méne, arñ yuriaima na.

⁵ No yóboi, jācacu Jāmenijicu curamine, cavarō mearo ñi curōi chriñamine voaiñamine. Diñamimu iveá curavea Jāmenijicu daicōjeiyeque epeiñami. ⁶ Dínamure ina siete paivu ángeleva cuvarivu náre coapa iye siete paiye ñájiovaiyede etaima diñamine jocarñ. Doima ne cuitótecajea docucbecajea, cojidicajeare, boricajea lino āmichricajeare. Aru

buoima jārióicāva úruque daicāvare ne ñareba cūinátra baji.

⁷ Aru cūinácu ina yóvaicvaiva

aparivucacu

jiame ina siete paivu ángelevare siete paidua jororua úruque daiduare náre coapa. Diduá jívai cúteavu iye Jāmenijicui ñájiovaquiye poevare, ui jorojini jaiye boje ne ãmeina teiyede. Ñai Jāmenijicu cabi cainumha.

⁸ Aru Jāmenijicu meacu ui che boje, aru ui parue cuvae boje máre, bico porí mari buiávu diñami ui caramine. Que baru ñame buojabeteima ecoivu diñami Jāmenijicui caramine pu ne buojaiyeta iye siete paive ñájiovaiyede ina siete paivu ángeleva ne davarajiyede.

16

*Juan ui coyuino iduá jororuaru ñájiovaiyeque
(Mt 24.43-44; Lc 12.39-40; Ap 3.3; 6.14; 8.5;
11.13, 19; 14.10)*

¹ Dinumtre jápiacacu apeno yávaino bujino etaiyede Jāmenijicui caramine jocarí. Bujiéque yópe arí, coyuávu ina siete paivu ángelevare.

—Iduá siete paidua jororua muje chvariduquede jayuári jebenanujara muja ijárvui. Jāmenijicu ñájine dacuyume ijárvucavu Jesucristore ju abevure iye siete paive ñájiovaiyede ui jorojini jaiye boje ne ãmeina teiyede, arí coyuávu.

² Que aríburu yóboi, cūinácu ángele, nácacu mamarumucacu, jayuári jebecunuame ui jororui che báquede joborói. Si que daiyede, obedivu poevare etavu churiá ãmechuria. Caivu ina toivaicojeivu bácvure ne bajuru ñai ãme ãimacu jijecucu jia uradare jocarí dayu bácu*toivaiyequede* aru mearore jívu bácvure ui

pẽpeimure máre etavã náre churiá ãmechuria aru ãmeina ijié máre.

³ Aru cûináchi yóbocacu ángele jayuárí jebeáme ñi jororquede jia uradai. Ñi que daiyede, caiye oco jia uradare jiveteavã yópe yaiyá báchi jivepe. Aru caivu ina apurivu cùrivu jia uradai yaima na.

⁴ Aru pucarâi yóbocacu ángele jayuárí jebeáme ñi jororquede caiye jiare aru cainoa oco píapóinoare máre. Ñi que daiyede caiye iye oco máre jiveteavã.

⁵ Dinumure jápiacacu apecu ángelede, ñai ocore jâri coreyure, yópe arí coyuhyre:

—Mu, Jämenijicu meacu baju, cuchu caride aru cuchu bácu javede, mi yópe ñájine daiye báque põevare métamu caride. ⁶ Ne boarí jarvaiye báque boje mi põeva mácavure aru mi yávaiyede coyucaipõeva mácavure máre, ne jivede mene daiye báque boje ne ñájiye métamu. Que baru caride murecabu bojedayu náre, ne nópe daiye báque boje. Murecabu ûcure dayu náre jivede yópe náre jauepe, arí coyuáme ñai ángele.

⁷ Dinumure jápiacacu cojedeca apeno yávaino jápuraede Jämenijicure jícaiyede juavare jocarí. Yópe arí, coyuávã:

—Mu, ñuje jaboca Jämenijicu, paracu caivu pueno, mi ñájine daiye põevare mému aru jãvemu máre, arí coyuávã.

⁸ Aru yóbecurâi yóbocacu ángele jayuárí jebeáme ñi jororquede aviárã. Ñi que daiyede, ñai aviá bórí, éni, juaicõjeimu mateáme põevare yópe toa éiyepe. ⁹ Ñi urarõ éiye boje, caivu põeva ijäravucavu Jesucristore ju abevu juaimara mateima na. Ñbenita juaimara mácavuvacari,

chīomevu ne āmeina teiyede oatuvabeteima na ne daiyede. Aru ye mearore jibeteima na Jāmenijicure máre. Quénora pñeno baju āmeina yávare nñima Jāmenijicure, ñai paruéde cùvacu dayure iye ñájiovaiyede.

10 Aru yóvaicuvaivui yóbocacu ángele jayuári jebeáme ñi jororquede ñai āme āimacu jijecucu jia uradare jocarí dayu bácu jabocu dobaro mearora. Ùi que daiyede ñemíe tuavu caino ñai āimacu ñi jaboteinore. Aru caivu ñi jaboteimara cùivu bateima ne baju ne jemedoare, pare ne ñájiye boje. **11** Ùbenita ñájivu vacari aru āmechuriare cavarivu vacari, dajocabeteima ne āmeina daiyede. Quénora ne ñájiye boje aru ne churiáre cùvae boje máre pñeno baju āmeina yávare nñima Jāmenijicure, cavaró mearocacure.

12 Aru cùinápurupe paivui yóbocacu ángele jayuári jebeáme ñi jororquede iya Éufrates āmicuriya jia uradarã. Ùi que daiyede, diya jia popoávü, ina aviá dainocavu jabova ne jatarájiyepo aino diyare. **13** Dinumare jácacu yóbecurã abujuvare yópe momavape ãrojarivure. Cùinácu abujucu etame ñai ñijuacu ñi jijecamure jocarí. Apecu etame ñai āme āimacu jijecucu jia uradare jocarí dayu bácu ñi jijecamure jocarí. Aru apecu etame ñai Jāmenijicu yávaiyede coyucapõecupe teyu, borocuède coyuyu, ñi jijecamure jocarí. **14** Ina abujuva põeva ne ðarí majibede daiye majiteima na. Etaivu bateima cójijovarãñurajivu caivu ijãravucavu jabovare, ne ādamatenajiyepo aivu Jāmenijicuque, ñai parucure caivu pñeno, ñanjãravu, ñi põevare pñeno

baju ñájiovare baojaquijárvu baquinóre, ne ãmeina teiye báque boje. ¹⁵ Yópe arí, coyuáme Jesucristo:

—Muje yebai dacuyumu muje majibedeca yópe ñavaipõescu daiyepé cärami upacu majibedeca. Torojuçuyume ñai apucu jari coreyu yure. Aru yópe põecu meadaiyepé ui cuitótecajede cuyoje tebecuyu ui cuitótecaje cübe boje, nopedeca torojuçuyume ñai meadayu ui daiyede cuyoje tebecuyu ji daiyede, áme Jesucristo.

¹⁶ Ina jabova, abujuva ne cójijovaimara, cójijima na apeno cárroi, hebreovai yávaicamuaque Armagedón ãmicárroi.

¹⁷ Aru apecu ángele, ina siete paivu piniducacu, jayuárí jebeáme ui jororáquede ûmevará. Si que daiyede etavu apeno yávaino bujinoque no jabocui dobarõ mearo coricacarõ yebai Jämenijicu cäramine jocarí. Yópe arí, coyuávú:

—Quénoram, arí coyuávú.

¹⁸ Dinumamia yaroino cojiteavu, yávaino bujinoque jápurateavu, õpo t̄avu, aru urarõ joborõ cújiavu máre. No joborõ cújino ãmeno mateáv u cainoa apenoa joborõ cújino pñeno, Jämenijicu põevare cuedainum mácarõmiata. ¹⁹ Que teni no uraímaro mácarõre bururi, bururi yóbecurõcarõape mauteavu no mácarõ. Caiye ïmaroa ijäravuque bijainoa mateáv. Aru Jämenijicu ãrutequemavu no ïmaro urarõ Babilonia ãmicárõre. Que baru bojedame nócavure ne ãmeina daiye boje. Pare jorojíñu, ñájine dâme náre pare. ²⁰ Caiye jiavu aru caicuã cäracuã máre bíjavu. ²¹ Aru cavarõre jocarí t̄avu ocaino jâjaro urarõ baju yópe cärabooape. Diboá coapa cuarenta paikilos ducariboa bateáv.

Tuavã põevara, ijãravucavã Jesucristore jã abevãre. Ùbenita nácapûravã, ñajivãvacari diboá tuiye boje, pueno ãmeina yávare nuima na Jãmenijicãre, iye ñájiovaiye pare ñájine daiye boje náre.

17

*Juan ãi coyãino ico nomiõ ãmeco baju õi ñájiyena
(Ap 3.5; 11.7; 13.1, 8; 19.16)*

¹ No yóboi, cûinácu ina siete paivã ángeleva idhã siete paidua jororãhare cãvarivã bácvucacu coyucudame yãre. Yópe arã, coyãáme:

—Dajacu. Jãdovachyãbu märe aipe ñájicodore ico nomiõ õi bajure bojedado ãmãvare ùrarõ ãmenore dacodo náque. Õrecabe dobaco obediya jia pñenora. ² Caivã ina jabova ijãravucavã õi daiyepedeca daiyãrivã bateima, yópe ne ãmeina dájuroepe õque. Jãmenijicu jiede ùbeteima. Yópe õi pacotede dájuroepe ijãravucavã Jesucristore jã abevãre aru yópe õi ãmeina dare dájuroepe náre märe, nopedeca náre pare baju ãmeina daiyãre dáco õ. Que baru náre ãmeina dare dáco õ, áme ñai ángele.

³ Dinãmäre ñai Espíritu Santo jãicõjeame yãre. Que teiyede ñai ángele nãvame yãre põecubenoi. Noi jãcacu cûináco nomiõre. Õ tubaco bateáco ãme ãimacu jijecuchu jüacurã. Ùi baju caibaju toivaino mateávã ãmiá ãmeina yávaiãmiaque Jãmenijicãre copu. Siete paibua jipobua cãteame caipucapurãape paijavaroaque. ⁴ Ico nomiõ doaco bateáco õi cuitótecaje jüaricaje aru ñemijuaricajede. Ói bajure meatedo báco bateáco úruque, aru quíjiboa cãrajiboa cojidijiboa bojecãrijiboaque

aru perla ãmicãrijiboaque máre. Cuvateaco õi pãrui cûináru jororu úruque daidare. Didu jívure buiávã caiye ãmeina daiye, aru caiye õi bajuque pñeno ãmene daiye báque máre. ⁵ Ói tãtavarã toivaino cûteavã cûináro ãmiá: “No uestrõ ïmaro ãmiá Babilonia aino, yópe aiyurõ mateávã no. Caivã ina ne bajure bojedaivã ãmeina ñarãjivã apevãque népacope pádobe. Caivã ijãravucavã Jesucristore jã abevure cainoa joborðai uestrõ ãmeina ñare ñadobe”, ainore toivaino mateávã õi tãtavarã.

⁶ Dinumare coreóvacach ico nomiõ boarí jaruvado bácore obedivã ina Jämenijicai pñevacavure. Yópe õi torojuñuroepe pacoco baru, nopedeca torojuteaco õ õi mene daiyede ne jivede õi boarí jaruvaiyede náre. Náre boarí jaruvaco, ne coyuviye báque boje Jämenijicai yávaiyede dajocabevava ne “Jävemu” aiyede Jesucristoi yávaiyiye méne. Que baru pare cuecumacach yu.

⁷ Dinumare ñai ángele, yópe arí, jëniari jãme yure: —¿Aipe teni cuecumañurã mñ? Coyuquijivã märe aipe aiyede mi jãiyede. Coyuquijivã ne borore, ico nomiõre aru ñai ãimach õi tubamã cuvacure siete paibua jipobuare caipucapurhape paíjavaroaque. ⁸ Ñai ãme ãimach jijecach mi jãimã mácu cûteame javede. Aru cübebi caride. Übenita märi dacuyure icobe ãmujuricobede jocarí ãi bíjacuñuquiye jipocai. Aru caivã ijãravucavã Jesucristore jã abevu pare cuecumarajarama, ne jãiyede boje ñai ãimach cücu bácre javede, cübecure caride, übenita dacuyure cojedeca. Ina cuecumarajivurecabu ne ãmiáre toivabemara mácavã ãnitucubo Jämenijicai paperatucuboi, caivã ina

jāravu cūiméjāravu baquinóre cūvarājivu ne āmiáre toivaitucuboi. Ditucubo toivaino marejaquémav Jāmenijicai cuedaquiye jipocai ijāravure.

9 'Majíe javu áre coreóvaiycare no. Jēvari coyrí ibua siete paibua jipobua, diedecabu siete paicua cāracua ico nomió āmeco õi dobae. Aru jēvari coyrí ibua siete paibua jipobua diedecabu, siete paivu jabova. **10** Cūináprupe paivu nácav yaiquémavu javede. Cūinácu nácacu jaboteyube caride. Aru apecu dabecube cāreja. Ubenita ūi jabotecudaquiyede obebejāravua jabotecume ū. **11** Nai āme āimacu jijecucu cucu báu javede aru cubecu caride, ū macuyáme apecu jabocu, ina siete paivu ne yóbocacu. Ubenita cūinácu ina siete paivucacuvacaribe máre. Úrecabe bíjacuyu baju bíjaiye baji.

12 'Caipucapuraape pailavarao mi jāiye báque, jēvari coyrí diedecabu caipucapuraape paivu jabova bárājivu, jaboteni búbevu cāreja. Ubenita cūináora baju jaboteicōjeimara marajárama ñai āme āimacu jijecucuque. **13** Caivu ina caipucapuraape paivu jabova ne ūme cūináturubu. Que baru cūinárotamu ne daiyrō. Cadatenajarama ñai āme āimacu jijecucare ne paruéque aru ne cōjeiyeque máre. **14** Ádamatenajarama na Cristore, ovejajícu ne aimare copu. Ubenita ūcapurauu jaboteyube caivu apevu jabovare aru cōjeñume caivu apevu cōjeivure. Que baru vainí tucuyáme ina ūre maucuvarivure. Uí ãdamatecudaiyede yóvarājarama ina Jāmenijicui beorr cutuimara mácavu dajocabevu Cainumua ne ju aiyede ūre, áme yure ñai ángele.

15 Aru ñai ángele, yópe arĩ, coyure n̄ame yure:
 —Jēvari coyurĩ iya obediya jia ico nomiõ
 ámeco õi dobae, diedecabu ïmaroacavu, aru
 põeyajuboacavu, obedivu yávaicamuacavu, aru
 jaborðacavu máre. **16** Ñai áme ãimacu jijecucu aru ina
 caipucapuruape paivu jabova, jēvari coyurĩ yópe ûi
 javaroape, mi jaimara mácavu jãiyubenajarama
 ico nomiõ ámecore. Caiye õi c̄vaede ïnajarama
 õre jocarĩ, dajocarãjivu õre cuitótecaje c̄becore.
 Árajarama õi bajure. Aru bíjare ðarãjarama õre
 toaboi. **17** Jämenijicuvacari dáapiaicõjecuyume
 ina caipucapuruape paivu jabovare. Que baru
 cùinátruru baquiyébu ne ûme. Cadatenajarama ñai
 áme ãimacu jijecucure, ðarãjivu yópe Jämenijicui
 uthorope p̄u ne daiyede bñojaiyeta caiye iye ûi daiyue
 báquede yópe ûi aiye báquepedeca. **18** Aru jēvari
 coyurĩ ico nomiõ ámeco mi jãimo máco, ðrecabe
 yópe no ïmaro ðaicõjeïmaro caivu ina ijãravucavu
 jabovare, áme yure ñai ángele.

18

*Juan ûi coyuno Babilonia ãmicurĩmaro bíjainora
 (Mt 22.2-3; Ef 5.23-32; Ap 7.14; 14.8)*

1 No yóboi, jãcacu apecu ángele ëmeñure cavarð
 mearo Jämenijicui curõre jocarĩ. Paruéque cõjeáme.
 Aru ûi mearoque miadáre dáme cainore. **2** Bñjiéque
 yópe arĩ, codoboboame ñ:

—Jave bíjaivu no ïmaro uthorarõ Babilonia ãmicurõ.
 Díñmaro mácarõ abujuva ne curõ teivu. Obediya-
 juboa ãimara vñivu põeva ne ubemara máre ne curõ
 teivu no ïmaro mácarõ. **3** No ïmaro mácarõcavu uthorarõ
 ámeina dare daima caivu ijãravucavu Jesucristore

ju abevre cainoa joborai. Aru caivu ina jabova ijárvcavu ámeina daima diimaro mácarocavque. Aru caivu ijárvcavu bojedaipoeva ceve cevarivu bateima diimarocavu ne uraro ámeina daiye boje. Que baru bíjaivu no ñimaro mácaro, áme ñai ángele.

⁴ Aru jápiacacu apeno yávainore cavaro mearo Jámenijici curore jocarí. Yópe arí, coyuávu:

—Muja, ji poeva, etajarã diimarore jocarí, muja ámene dabenajivu nócavque, muje ñájimenajiyepe aivu náque. ⁵ Diimarocavu ámene dare nuivu bateima, yópe Cainiyutubope teni ne ámeno que pu cavaro mearo Jámenijici curoita. Uraro baju ámene daima na. Que baru Jámenijicu ñumi caiye iye ne ámeina daiyede. ⁶ Nócavre dajarã yópe ne daiyede apevre. Yópe ne apevre ñájine daiyede, ñájine dajarã náre puquedeca. Aru yópe ne apevre ámeno daiyede, ámeno dajarã náre puque. ⁷ Yópe uraro mearore aru ure ceve bojecuede máre ne íye báquepe ne baju, nopedeca ñicavajarã náre ñájiyede ure aru chioiyede máre ure cuináturura. Yópe arí dápiariduyama na ne ûmei: “Yui jabotenajivu dobarivubu ñuja. Apejie ye jaubevu ñujare. Cõmaje ãrojarivu ámenajaramu ñuja Cainumha. Aru chiomenajaramu, ñájimenajaramu máre Cainumha”, arí dápiariduyama nócavu, “¿Meara márica apevu pueno?” aivu. ⁸ Que baru cuinájáravu baquinómiareca uraro ámeno daquiyebu diimarocavre. Maumejiena nócavu chiori, ãvué ñájini, yainájarama na. Aru ne ñimarore juarí bíjaino maquiyebu. Yópe vaiquíyebu, maje jabocu Jámenijicu parucu baju “Ñájijara” ti aiye boje.

Nópe jápiacash apeno yávainore cavarõ mearo Jämenijicai curõre jocarõ.

9 Caivh ina jabova ijãravhcavh ãmeina ðaivh bácvh diimaro mácarõcavhque bujiéque codoboborõ, ñarebare totarõ orãjarama na, ne jãiyede toabico porõ muinore no ïmaro mácarõre ëiyede. **10** Jidhrivh ne ñájiyuhbe boje diimarocavh bácvhpe, joai mautenajarama. Aru yópe arõ, orãjarama na:

—¡Ayu, ayu, mujare pare meamevh Babilonia ãmicurímarocavhre! Pare chhioivhbu muja. Maumejiena no ïmaro ñrarõ, parhé chrõ mácarõ bíjaivh, orõ codoboborãjarama.

11 Caivh ijãravhcavh bojedaipõeva máre bujiéque codoboborõ, ñarebare totarõ orãjarama diimarocavh bácvhre boje. Que baru ñame chabenama caride ne chvede bojedarõ ñh. **12** Põech chbechbe bojedarõ ñh náre ne úrure, ne platare, ne chrajiboa bojechrijhboare, ne perla ãmicuhrijhboa bojechrijhboare máre, ne cuitótecajea meacajea lino aru seda ãmicuhricahjeare, aru ne cuitótecajea bojechricahjeare júaricahjeare aru ñemijuaricahjeare máre. Põech chbechbe bojedarõ ñh náre caiye jochcuh me mumijhrichare, ne chve bojechricahvede ãimacai javaro marfil ãmicuhjavaroque ðaiyede, aru jochcuh bojechricahque ðaiyede, bronce ãmicuh thuque ðaiyede, hierro ãmicuh thuque ðaiyede, aru chrabu boribo mármol ãmicuhriboque ðaiyede máre. **13** Põech chbechbe bojedarõ ñh náre ne canela ãmicuh mumijhe de aru ape mumijhe de máre, ne juarãjinore mumijhrõre ðaquiyepe aivh, aru ape mumijhe de mirra ãmicuh aru olíbano

āmic̄ede máre. Pōec̄a cabec̄abe bojedarī īñu náre ne vino ūyaicorore, ne neo carorājiyepe aiv̄a neore, ne pāure daiyede harina āmic̄e, aru ne trigo āmic̄e oteiyede máre. Pōec̄a cabec̄abe bojedarī īñu náre ne oteiāimarare d̄ch̄e de ūmaiav̄re, ne ovejavare, ne caballovare, ne jāturuicūare, aru ne yebacav̄re máre, ina dápiaiv̄re. ¹⁴ Ina bojedaiv̄a bácaiv̄a, yópe arī, coyurājarama diñmaro mácarōcav̄re:

—¡Ayu, ayu, jave cūiv̄a m̄ajare id̄uá jocuca jēid̄ua mearua pare cojuteav̄a m̄ajare! Jave bíjaiv̄a m̄ajare jocarī caiye m̄aje c̄uve bojec̄ede aru m̄aje tāuturare máre. Que baru diede ye c̄uabena jaramu m̄aja bedióva cojedeca, arī coyurājarama na, ch̄ioiv̄a.

¹⁵⁻¹⁶ Ina caiye iyede bojedaiv̄a bácaiv̄a c̄uve c̄uvateima ne bojedaiye báque boje diñmaro mácarōcav̄a bácaiv̄a que. Ina bojedaiv̄a bácaiv̄a joai mautenajarama, ne jāiyabe boje diñmaro mácarōcav̄a ne náiyede. Aru b̄ujiéque codoboborī, ñarebare totarī orājarama, yópe arī:

—¡Ayu, ayu, pare meamevu no ïmaro urarō mácarō! Nomió c̄uve c̄uvacope paino mateáv̄a no ïmaro mácarō. Diñmarocav̄a bácaiv̄a cuitótecajea meacajea lino āmic̄aricajeare, jūaricajeare aru ñemijuaricajeare máre doiv̄a bateima na. Aru úrure, aru perla āmic̄arijíboa bojec̄arijíboare, aru apejíboa c̄arajiboa cojidijíboa bojec̄arijíboare máre adaiv̄a bateima na. ¹⁷ Maumejiena caiye iye ure c̄uve báque me cūiv̄a, arājarama ina bojedaiv̄a bácaiv̄a, ch̄ioiv̄a.

Caiv̄a ina jiadoc̄ua urac̄uare jap̄uvaip̄õeva aru caiv̄a ina curān̄uiv̄a jiadoc̄ua urac̄uaque, caiv̄a ina

jiadocūa ʉracūa memeipōeva aru caivʉ jia ʉradai memeipōeva máre joai mautenajarama na. ¹⁸ Ne jāiyede toabico porī muri no īmaro mácarō ēiyede, yópe arī, codoboborājarama:

—Apeno īmaro ʉrarō, ãri nópe paino cübeteavã cainumare, arājarama na.

¹⁹ Que arī, dʉvarājarama jobore ne baju jipoburā ne chīoiye boje. Bʉjiéque codoboborī, ñarebare totarī orājarama na, yópe arī:

—¡Ayu, ayu, pare meamevʉ no īmaro ʉrarō mácarō! Caivʉ ina cavarivʉ bácvʉ jiadocūa ʉracūare jia ʉradai cüve cavarivʉ bateima díimarcavʉ bácvʉ ne bojedaiye báque boje na mácvare ʉre cüvede. Maumejena caiye iye me bíjarī cüivá. ²⁰ Muja, cavarō mearo Jāmenijicui cárōcavʉ, torojajarā muja no īmaro mácarōcavʉ bácvʉ ne ñájiye boje. Muja, Jāmenijicui pōeva, Jesucristoi yávaiye méne beorī coyucicōjeimara aru Jāmenijicui yávaiyede coyucapōeva máre torojajarā muja Jāmenijicui ñájine daiye boje nócavʉ bácvare. Uí ñájine daiyede, bojedabi na mácvare yópe ne ãmeno daiye báquepedeca mujare, arājarama na.

²¹ Dinumare cūinácu ángele parucu cūinábo cárabo ʉrabore, oteiyabeare cãoibope paibore, ñi dʉvarī jaruvame jia ʉradai. Yópe arī, coyucáme:

—Yópe bíjaino maquiyébu no īmaro ʉrarō Babilonia ãmicurō. Bʉojarī jāmenamu cojedeca cainumua. ²² Ye jápurabequiyebu cojedeca no īmaro mácarōre ne yuriaiye báque arpaque, flautaque, aru trompetaque máre. Ye cübename cojedeca memeipōeva no īmaro mácarōre. Ye

jápurabequiyebu cojedeca no ñamaro mácarõre ne cãoiye oteiyabeare cãoiboque, ne pãure ñarãjivu.

23 Ye pêoibu cojibequiyebu cojedeca no ñamaro mácarõre. Que baru ñemiquiyebu nore. Ye parubhobenama cojedeca no ñamaro mácarõre. Que baru jápurabequiyebu cojedeca nore ne torojave teiye báque põeva ne parubhoyede. Nôpe vaiquiyebu diñamaro mácarõcavure ne bojedaipõeva parurivu bácavu caivu apevu ijãravucavu bojedaipõeva pueno. Nôpe vaiquiyebu diñmarocavure jujovaivu bácavure caivu ijãravucavu Jesucristore ju abevure ne yavié daiye báqueque, áme ñai ángele.

24 Ina Babilonia ãmicuriñamaro mácarõcavu bácavu ñajima ne boarí jarvaiye báque boje caivu ina Jãmenijicai yávaiyede coycaipõeva mácavure, ina Jãmenijicai põeva mácavure, aru caivu ijãravucavu boarí jarvaimara mácavure máre.

19

1 No yóboi, jápiacachu yu bñjino ñrarõre yópe cùináyajubo obedivu põeva ne yávaiye bñjiépe. Cavarõ mearo Jãmenijicai curõre jocarí jápiacachu náre, yópe arí codoboboiyede:

¡Aleluya! Mearore jínajarevu Jãmenijicure. Ñvacari jâve meadaibi põevare. Aru jâve meacu bajube. Pueno parucube máre. Jâve majepacu Jãmenijicube ñ. **2** Caiye ñi daiye métamu. Aru caiye ñi coyuiye jãvetamu máre. Ñajine daibi ico nomiõ õi baju bojedado bácore ñmuvare ñrarõ ãmenore dacodo náque. Õ ãmeina ñare nñño mateáco caivu ijãravucavuque, cainoa joborðai

Jesucristore ju abevure ñi uraro ãmeina daiyeque. Jãmenijicu ñajine daibi bojedayu ñore, ñi boarñ jarvvaiye báque boje ñre memecaivure. Que baru mearore jínnajarevu Jãmenijicure, aimu na.

3 Bediova cojedeca codoboborñ aimu:

—¡Aleluya! Mearore jínnajarevu Jãmenijicure. No ñimaro uraro ñi dajocabevu cainumua. Que baru toabico porñ muivu nore jocarñ cainumua, aimu na, mearore jívu Jãmenijicure.

4 Ina veinticuatro paivu bucuva aru ina yóvaicuvaiuu apurivu mori tuima joboroita mearore jínnajivu Jãmenijicure, ñai dobacure jabocuri dobarñ mearo coricacarora, yópe arñ:

—Quédecabu. ¡Aleluya! Mearore jínnajarevu Jãmenijicure. Jãmenijicurecabe maje mearore jímu, aimu na.

5 Dinumure jápurateavñ apeno yávaino no dobarñ mearo coricacarñ yebare jocarñ. Yópe arñ, coyuávu: Mearore jíjarñ majepacu Jãmenijicure. Caivu ñre memecaivu aru caivu apevu põeva máre, ina quíjina aru bucuva máre, caivu ñre pueduaiu, mearore jíjarñri ñre, arñ coyuávu.

Juan ñi coyuino ne torojuve teinora Cristo, ove-jajñcu ne aimu, ñi purubuoiyede

6 No yóboi, jápiacasu yu bujino urarore yópe cuináyajubo obedivu põeva ne yávaiyepe yópe cáratácuve uratácuve bujinope aru yópe ñpo tuino pæno baju bujinope. Jápiacasu náre, yópe arñ codoboboivure:

¡Aleluya! Mearore jínnajarevu Jãmenijicure. Maje jabocu Jãmenijicu paruca caivu pæno

jaboteni báyabe caride. Que baru mearore jínajarevu ūre. ⁷⁻⁸ Eaivu caride Cristo, ovejajícu ne aimu, ūi purubuoijárvu. Jímarepaco bacodó meadaibico õi baju. Maje jabocu doicõjeimi ūre meacaje lino ãmicúricaje docucabeni cojidicajede. Aru jévari coyurí dicajedecabu yópe Júmenijicu pöeva ne daiye mépe. Que baru torojurájarevu maju. Torojurivu maje ūmei mearore jínajarevu maju Júmenijicu, aimana.

⁹ Dinumare ñai ángele, yópe arí, toivaicõjeame yure:

—Toivajacu mu iyede: “Torojurájarama caivu ina cutuimara mácavu ne ãrajiyepe ayu ñai ovejajícu purubuoiyede torojuve teinoi”, áme ñai ángele.

Aru yópe arí, cuturí jaroáme:

—Iye ji coyuiye mure caride Júmenijicu yávaiye jãvetamu, áme ū.

¹⁰ Ji jápiaiyede ūi nópe aiyede, ñuatutacacu yu ū ūi cuboba yebai, mearore jíyuríduyu ūre. Ubenita yópe arí, mearore jícõjemeteame ū yure:

—Que dabejacu mu. Yu máre memecayubu Júmenijicu mupedeca aru mívape páyu máre, ina coyuvu Jesús ūi yávaiyede jãvene dajocabevuva pu apevu náre boarí jarvaiyeta. Que baru mearore jíjacu mu maje jabocu Júmenijicu cùináchrata, áme yure.

Ñai Espíritu Santo majide daibi caivu ina Júmenijicu yávaiyede coyacaipõevare, ne coyurájiyepe ayu Jesús ūi yávaiyede jãvene.

*Juan ūi coyūino ñai caballo bocurā tubacurā
(Jn 1.1, 14; Ap 13.1-18; 14.20; 17.14)*

11 Dinumure jācacu yu cavarō mearo Jāmenijicui curō voainore. Aru nore jároteame cūinácu caballo bocu. Ñai tubacu ūra bojedaibi pōevare méque. Aru ādamateibi méque ūi mauvare máre. Que baru ūtame jāve yávayu aru méne dayu máre cainamua. **12** Ūi yacorua cojiteavu yópe toa uruiyepo. Cuvateame obeditarabua jipobu adaitarabua ūi jipoburā, ūi jaboteiye boje obediyajuboacavure. Aru cūináro āmiá toivaino mácarōre cuvateame. Ubenita ū cūinácuva majibi nore. **13** Doame ūi cuitótecaje puenocacajede jiveque ēnuicaje bácarōre. Urecabe “Jāmenijicui dāpiainore coyuchuedachuyu” ne aimu. **14** Ūi yóboi daima ina cavarō mearo Jāmenijicui curōcavu ādamateipōeva tubarivu caballova borivurā na coapa. Aru doaima meacajea lino āmicuricajea cuitótecajeare. **15** Ñai ne jabocure etavu ūi jijecamure jocarī cūináve boaicarove upujidivepe. Di veque boarī vainí tucuyume caivu ijāravucavu Jesucristore ju abevure. Urecabe jabotecuyu náre parueque. Aru ūvareca ñajine dacuyume náre yópe pōeva ne vino ūyaiboare piporī córore yuaiyepo Jāmenijicai jorojīni jāyiye boje náre, ne āmeina teiye boje. **16** Ñai ne jabocu ūi cuitótecajena aru ūi tōarurā máre yópe arī toivaino mateávū: “Jaboteyube caivu apevu jabovare aru cōjeñume caivu apevu cōjeipōevare máre”, arī toivaino cūteavu.

17 Aru jācacu cūinácu ángele núchre aviárā. Yópe arī, codoboboame parueque caivu ina cavavape paivure, ina vñivu cavarō coricai, aviá ūi chroi

jāravu corica baji:

—Āradajarā. Cójijijarā ãmuri yo javateino
utarō Jūmenijichí meadacaquinore mujare.
18 Ina jabovare, aru churaravai jabovare,
ñmuva parurivure, caballovare, aru caballovarā
tubarivure, yebacavure, yebacavu ãmevure,
quijinare, aru bucuvare máre, caivu ne jiaruare
āradajarā, áme ñai ángele.

19 Aru jācacu ñai ãme ãimacu jijecucure aru
caivu ina jabovare ijāravucavu boapõevaque
cójijivure ne boaridurājiyepo aivu ñai caballo
bocurā tubacure aru ina ñuque curivure máre.
20 Ùbenita ñai ãme ãimacu jijecucu ne juimu mateáme.
Aru ñai Jūmenijichí yávaiyede coyuucaipõeupe
teyu, borocuede coyuuyu, máre ne juimu mateáme.
Ùrecabe põeva ne ðarī majibede ðayu báu
jipocamia ñai ãme ãimacu jijecucu jāinoi. Iye
põeva ne ðarī majibede ùi ðaiyeque juiovame
obedivu põevare jipocamia. Ina cuvarivu báucavure
ñai ãme ãimacu jijecucu toivaino mácarõre aru ina
mearore jívu báucavure ñai ãme ãimacu jijecucu
pẽpeimure máre juiovame ù. Ina pucarãre juni,
jaruvaimara mateima apurivura cureja toabo
azufreque cûiméboi. Noi ñai ãme ãimacu jijecucu
aru ñai Jūmenijichí yávaiyede coyuucaipõeupe
teyu, borocuede coyuuyu,  najarama cainumuha.
21 Aru caivu apevu náque ñuivurecabu ùi boarí
jaruvaimara máucavu ñai caballo bocurā tubacu ive
boaicaroveque cuvacu ùi jijecamui. Aru caivu ina
cavavape paivu javateni yapima na máucavu ne
jiaruha báquede.

20

*Juan ūi coyhino mil paishua baju Cristo ūi
jaboteiyena*

*(Mt 19.28; Lc 22.30; Ap 1.6; 5.10; 6.9; 13.16-17;
14.9)*

¹ Jācach cūinácu ángele ēmeñhre cavarō mearo Jāmenijicai curōre jocarī. Cuvateame ūi purui no llavede, ūi voaquinore aru biequinore máre no ūmujuricobe ecoinore. Aru cūináme tāume ducrimene máre cuvateame ū. ² Jēame ñai ãijuach cūcare mamarumare pu caride máre. Ñai ãijuach abujuvai jaboch. Diablo ãmicabi ū. Aru Satanás máre ãmicabi ū. Ñai ãijuach re jēni buoáme ūre mil paishua baju. ³ Úre buoriburu yóbore, ñai ángele jaravame ūre no ūmujuricobe jívai. Úre jaravariburu yóbore nore, dicobe ecoinore bieáme llaveque. Jājaro dáme dicobe ecoinore ñai ángele. Nópe dáme ñai abujuvai jabochre, ūi jujovabequiyepa ayu ijāravacavare bedióva cojedeca pu mil paishua vainiburu yóboita. Dinumh maquinóre jodeimh macuyáme obebejāravha ba-jura.

⁴ Aru jācach jabovai dobarõa mearoare. Ina dobarivh iye dobarõara maje jabochi ñajine daicōjeimara mateima pōevare, ne ãmeina teiye boje. Aru ina yaivh bácah ne coyhiye báque boje Jesús ūi yávaiye méne aru Jāmenijichi yávaiyede máre dajocabevhva ne ūmene jācach yh. Na mácavurecabu mearore jíbevu bácah ñai ãme ãimach jijechre, aru ūi pēpeimare máre. Aru ūi toivaino mácarõre máre cuvabeteima na mácah ne tātuhvarā aru ne purhárā máre. Nacajari

yainore jaravarī, aparivu teni jaboteima na Cristoque mil paíjua bajureca. ⁵ Nómu põeva ne mamarumu nacajaiye yainore jaravarī. Ùbenita apevu ina yaivu bácvu nacajameteima cäreja pu diujsa mil paíjua vainíburu yóboita. ⁶ Torojäräjarama ina Jämenijicui nacovaimara yo mamarumu nacovaino yainore jaravarī. Námu Jämenijicui põeva. Sacerdoteva baräjárama na, memecaräjivu áre aru Cristore máre. Jabotenajarama na Cristoque mil paíjusareca. Que baru nümenajarama na toabo cüiméboi.

*Juan ái coyhino Cristo ái vainí tuiyena abujuvai
jabocu*

⁷ Que baru mil paíjua vainíburu yóboi, ñai Satanás jodeimu macuyume. ⁸ Etacuyume dicobe ûmujuricobede jocarī, jujovacanuacuyu põevare, cainoa joborðacavure. Jujovacanuacuyume ina Gog ámicurðcavure aru ina Magog ámicurðcavure máre. Ina põeva obedivu baräjárama yópe ēpayabea cœpe jia urada ēcarurā. Náre cójijovacuyume Satanás, ne ádamatenajiyepe ayu. ⁹ Ina põeva obedivu cainoa joborðare jocarī darī, cójijini, nuri jacoturäjarama Jämenijicui põevare, ina boacáivu, aru Jämenijicui ïmarore, ái jecurðre. Ùbenita toa ocainope tarī cavarð mearo Jämenijicui curðre jocarī éni bíjaroquiyebu náre. ¹⁰ Aru ñai abujuvai jabocu, náre jujovayu bácu, jaruvaimu macuyu toabo azufreque cüiméboi máre. Que teni vainí tuiquiyebu áre yópe ñai áme áimacu jijecucure ái vainí tuiye báquepedeca aru ñai Jämenijicui yávaiyede coyucaipðesupe teyu, borocude

coyʉre, máre. Noi ñájinajarama na jāravʉre aru ñamine máre cainʉmua.

*Juan ॥i coyʉino Jāmenijicʉi bojedaiyena yaivʉ
bácavʉre ne daiye báque bojede
(Mt 25.41; Ap 2.11; 3.5; 21.8)*

11 Dinʉmʉre jācacʉ jabocʉi dobarō mearo cūináro, ʉrarō borō dobarōre aru ñai dobacʉre nora. Joborō aru cavarō máre bíjavū. Járobeteavū cojedeca. **12** Aru jācacʉ ina yaivʉ bácavʉ caivʉre, quíjinare aru bʉcʉvare máre, núrivʉre no jabocʉi dobarō mearo ʉrarō jipocai. Paperatucuboa voaino mateávū. Aru apetucubo paperatucubo máre, Jāmenijicʉi paperatucubo caivʉ ina jāravʉ cūiméjāravʉ baquinóre cʉvarājivʉ ʉque ne ãmiáre toivaitucubo voaino mateávū. Aru ina yaivʉ bácavʉ ñájicōjeimara mateima yópe ne daiye báquepedeca aru iye toivaiye cʉepedeca ditucuboa paperatucuboai. **13** Caivʉ ina yaivʉ bácavʉ jia ʉradai cátēima no jabocʉi dobarō mearo ʉrarō jipocai. Aru caivʉ ina yaivʉ bácavʉ coreivʉ bácavʉ ne cʉrōi máre cátēima no jabocʉi dobarō mearo ʉrarō jipocai. Que baru caivʉ ina yaivʉ bácavʉ cátēima nore. Aru caivʉ ina ñájicōjeimara mateima yópe ne daiye báquepedeca. **14** Caride ina yaivʉ bácavʉ yainájarama cojedeca. Na mácavʉre coreino mácarō jarʉvaino mateávū toabo cūiméboi. Ina yaivʉ bácavʉ yainájarama pʉque, mamarʉmʉ ne bajuque ijāravʉi aru no yóboi ne ûmeque toabo cūiméboi. No toabobu yópe jia ʉradə uruinope ʉrarō baju. Nore ñájinajarama cainʉmʉa. **15** Caivʉ ina ne ãmiá toivaino cʉvabevʉ bácavʉ ditucuboi, Jāmenijicʉi paperatucubo caivʉ

ina jāravu cūiméjāravu baquinóre cavarājivu úque ne āmiáre toivaitucuboi, nárecabu jarvaimara mácavu dibo toabo cūiméboi.

21

Juan ūi coyuino cavarō mamarora aru joborō mamarora

(Mt 25.41; Jn 4.10, 14; 7.37; Gá 4.26; 2 P 3.13; Ap 2.11; 3.12; 7.17; 19.7-8; 20.14)

¹ No yóboi, jācacu cavarō mamarore aru joborō mamarore máre. No cavarō javecarō mácarō aru no joborō javecarō mácarō máre bíjaiye bateávū. Aru diya jia urada máre bíjaiya bateávū. ² Aru jācacu no ñimaro pueno mearo Jāmenijicu ñimare, mamaro Jerusalén ãmicuriñmarore. No ñimaro ñemene dávū Jāmenijicu jivateino cavarō mearo ūi curōre jocarī. Yópe nomió puerubuocodo õi meadaiyepe torojure dacodo jímarepacu bacuyáre, nopedeca no ñimaro meadaino mateávū torojure daquiyepo aino Cristore. ³ Aru jápiacacu apeno yávaino bujino etaiyede no jabocu dobarō mearo coricacarōre jocarī. Bujíéque yópe arī, coyuávū:

—Caride Jāmenijicu cubi põeva que. Cuchuyume náque. Aru nácapúravu ūi põeva marajárama. Jāmenijicvacari cuchuyume náque. Ne mearo jímu macuyáme ū. ⁴ Türecchuyume caiye oride ne yacoruhare. Torojuare dacchuyume náre cainumha. Caiye javede che báque jave bíjavū cari. Que baru põeva ye yaibénajarama. Chñomenajarama. Obenajarama. Aru ijibequiyebu náre máre, arī coyuávū.

⁵ Dinumare ñai dobacu jabocu dobarō mearora, yópe arī, coyuáme:

—Caride caiyede mamae dayubu yu, áme.

Aru yópe arī, toivaicōjeame yure cojedeca:

—Iye yávaiye métamu aru jāvetamu máre. Que
baru toivajacu mū iye ji yávaiyede, áme yure.

⁶ Aru ñai dobacu jabocu dobarō mearora, yópe
arī, coyuháme:

—Quénoram. Yurecabu mamarrumucacu aru
yóbocacu máre. Yurecabu báyu bácu, bubayu máre.
Que baru cuyu yu cainumua. Ácu pōecu ñi ñcuiyuru,
üre jíchuyumu yu oco bojecubede no oco pīapóino
apure daiocore jocarī. ⁷ Yópe mearo dacacuyumu
yu ñai vainí tuyure ámenore jaruvarī. Ñi mearore
jimū macuyámu yu. Aru jímacu bacuyáme ñ.
⁸ Ñbenita caivu ina ñájiyubevu yure boje ne jidué
boje, aru ina dajocaivu ne ju aiyede yure, ina
caijíe ámene daivu, ina pōevare boarī jaruvaivu, ina
ámeina daivu apevque némarebucava ámevque,
ina yaviéde daivu, ina mearore jívu pēpeimarare,
aru ina borochrivu máre, caivu ina nrajarama ne
curájinoi, no toabo azufreque cūiméboi. Que baru
jēvari coyurī yópe ne yaiyepo puque nrajarama
na.

*Juan ñi coyuino mamaro Jerusalén ámicurōra
(Mt 5.8; Jn 8.12; Ef 2.20; 1 Jn 3.2; Ap 16.1; 21.23)*

⁹ No yóboi, cūinácu ina siete paivu ángeleva iduá
siete paidua jororua ñájiovaiye buidídua jororua
iye siete paive ñájiovaiyeque cavarivu bácacucacu
coyuhudame yure. Yópe arī, coyuháme:

—Dajacu. Jādovacuyubu mure ico nomiō
purrubucodore Cristo, oveja jícu ne aimuque, áme
yure ñai ángele, áme.

¹⁰ Aru ñai Espíritu Santo dápiaicōjeame yure. Que
teni ñai ángele nūvame yure cāracu ñmujuricu

páenoita. Noi cárivuta, jádovame yare no Ímaro mearo baju, Jämenijicui Ímaro Jerusalén ámicuríímarore. No Ímaro émene daino mateávü Jämenijicai jivateino cavarõ mearo ui curõre jocarí. ¹¹ Jämenijicui cœ boje nore, urarõ péoávü no Ímaro. Yópe cárabo cojidibo pare bojecúribore jarijavaiyoibo jaspe ámicúribope péoávü no Ímaro. ¹² Pare úmujurido biaido cáteavü no Ímaro yóbore. Dido biaido cívateavü doce paicobea jedevacobea. Dicobea jedevacobearã toivaino mateávü ne ámiá ina doce paiyajuboa Israecavü ne yajuboa ámiá coapa. Aru doce paivü ángeleva jari coreivü bateima dicobea jedevacobea coapa. ¹³ Yóbecúricobea jedevacobea cáteavü caiyovaicúvaipúravhai coapa. Aviá dainocapúravui yóbecúricobea jedevacobea cáteavü. Aviá daino meapúravui yóbecúricobea jedevacobea cáteavü. Aviá daino cäcopúravui yóbecúricobea jedevacobea cáteavü. Aviá doinocapúravui máre yóbecúricobea jedevacobea cáteavü. ¹⁴ No biaido me jájaro núvari daido bateávü cárava urava parurivarã. Doce paiva cárava cáteavü. Diva cáravarã toivaino mateávü ñuje ámiá ñuja doce paivü ñai ovejaíçui yávaiye méne beorí coyúicôjeimara ñuje ámiá coapa.

¹⁵ Ñai ángele yávayü yare cívateame cūinádo corevaiyo úruque daiyore, corevacayü no Ímarore, dicobea jedevacobear, aru biaidore máre.

¹⁶ No Ímaro yóvaicúvaitôbua cáteavü. Caiye yóvaicúvaitôbua cūináturü bateávü. Úmujurõ vaibóque cūináturü bateávü. Si corevaiyede coreóvame no Ímarore pucamil doscientos paikilometros baju úmujurõre, pucamil doscientos

paikilometros baju joarõre, aru pãcamil doscientos paikilometros baju ẽrarõre märe. ¹⁷ No yóboi, corevame no biaidore märe. Yópe põeva ne corevaiyepe sesenta y cinco paimetros baju corevame no biaidore.

¹⁸ No biaido daino mateávã jaspe ãmicuriva cãrava bojecãrivaque. Aru no ïmaro daino mateávã úru me baju docãcãbeque. Que baru jivarãpe paino ẽbenita jãri javaiyoino mateávã. ¹⁹ No ïmaro jãjaro nûvari daino mateávã cãrava ẽrava parãrivarã. Aru divarã cãteavã apeva bojecãriva meava baju. Doce paiva cãrava bojecãriva cãteavã. Diva mamarãmãcava ïmaro nûrivarã jaspe ãmicuriva bateávã. Apeva cutuiva ïmaro nûrivarã zafiro ãmicuriva bateávã. Apeva cutuiva ágata ãmicuriva bateávã. Apeva cutuiva esmeralda ãmicuriva bateávã. ²⁰ Apeva cutuiva ónice ãmicuriva bateávã. Apeva cutuiva cornalina ãmicuriva bateávã. Apeva cutuiva crisólito ãmicuriva bateávã. Apeva cutuiva berilo ãmicuriva bateávã. Apeva cutuiva topacio ãmicuriva bateávã. Apeva cutuiva crisoprasa ãmicuriva bateávã. Apeva cutuiva jacinto ãmicuriva bateávã. Aru diva pinidãcava ïmaro nûrivarã amatista ãmicuriva bateávã. ²¹ Dicobea doce paicobea jedevacobea daino mateávã perla ãmicuriva bojecãriva cãravaque. Caicobea jedevacobea coapa cûináva perla ãmicurivaque daino mateávã. Aru dima no ïmaro ẽrama daino mateávã úru me baju docãcãbeque. Que baru jivarãpe paima, ẽbenita jãri javaiyoima, mateávã.

²² No ïmaroi jãmetecacã Jãmenijicãi cãramine. Caino no ïmarore Jãmenijicãi cãrami cãbeteavã.

Maje jaboch Jāmenijich parhch caivh pheno chabi caino no ñhmaroi. Aru Cristo, ñai ovejajíh, máre chabi caino no ñhmaroi. Que baru Jāmenijichi charami jahbevuh nore. ²³ Aru jahbevuh aviá aru aviá ñamicach máre ne pheohye nore. Jāmenijichi che boje nore, hrarõ pheoávuh no ñhmarore. Aru ñai ovejajíh pheoibhpe pheoñhme nore. Que baru aviá aru aviá ñamicach máre jahbema na nore. ²⁴ Caivh phoeva cainoa joborðacavh vaivárhjarama no ñhmaro miadáeque. Aru caivh jabova davarhjarama caiye ne chavaede, ne thauthrare máre no ñhmaroita. ²⁵ Caijárvha no ñhmaro jedevacobea voaicobea baquiyébu. Aru ñami chabequiyebu nore. Que baru no ñhmaro jedevacobea ye biebecobea baquiyébu cainumhua. ²⁶ Caivh phoeva cainoa joborðacavh davarhjarama caiye ne chavaede, ne thauthrare máre no ñhmaroita. ²⁷ Ubenita ye ãmeno chabequiyebu nore. Ye phoeva choyojeda teivh aru borocarivh máre ecobenajarama nore. Quénora caivh ina chavarájivh járvh chuméjárvh baquinóre Jāmenijichque ne ãmiáre toivaiye báque boje ãnitucubo, ñai ovejajíhi paperatucuboi, ecorhjarama nore.

22

¹ No yóboi, cojedeca ñai ángele jdovame yure cináda jiare. Diya jia meáda cojidiya etaivh no jabochi dobarõ mearore, Jmenijichi dobarõre aru ñai ovejajíh máre hi dobarõre jocar. Diya jia aphre haivh phevare mamañhmeque. ² Diya jia bejaivh ma hrama coricai no ñhmaro Jmenijichi ñhmaroi. Aru diya hcarhai caiphcapravhai jocacha aphre haicha chavh. Caiaviava jijárvha eaivh. Que baru doce paithvaboa caiujha coapa jidhare

jívu dicuá jocucua. Aru dicuá jocucua yoca meadaivu caivu poevare cainoa joboroacavure. ³ No ñimaroi ye cubequiyebu caiye iye jorojini járe daiye Jámenijicure. Que baru ye ãmeno ñajine daino poevare cubequiyebu nore. No jabocu dobaro mearo, Jámenijicu dobaro aru ñai ovejajicu*ci* dobaro máre, cuquiyebu no ñimarore. Aru Jámenijicure memecaipoeva mearore jínnajarama áre. ⁴ Ui jivare járajamana. Aru úi ãmiáre toivaino maquiyébu ne tétuvará. ⁵ Ñami cubequiyebu nore. Maje jabocu Jámenijicu miadáre dacacuyume nócavure. Que baru jaubequiyebu náre peoibua aru aviá máre. Aru nócavu jabotenajarama járavu cüiméjárvu baquinóre.

Juan úi coyuino Jesucristo copaidacuyure ijárvui bedióva cojedeca

(Jn 4.10, 14; 7.37; Ap 1.8, 17; 2.8)

⁶ Dinumure ñai ángele, yópe arí, coyuáme yure:
—Iye ji yávaiye métamu aru jávetamu máre. Maje jabocu Jámenijicu, ñai majide dayu báuca ina úi yávaiyede coyucaipoevare, daroáme yure úi ángelede, úi jádovaquiyepe ayu áre memecaivure iye vaiquiye jauéde maumejiena, áme ñai ángele yure.

⁷ Aru Jesúvacari yópe aibi:
—Jájacu. Maumejiena dacuyumu yu. Torojárajarama caivu me jápiarí ju aivu caiye iye Jámenijicui yávaiyede coyucaiyede toivaiye báquede itucubo paperatucuboi, aibi Jesús.

⁸ Yu, Juan, jápiacacu aru jácacu caiye iye ji toivaiye báquede. Diede jápiarí aru járiburu

yóboi, ñuatutacach yu ñai ángele ñi caboba yebai, ñai jdovañh mácu yure caiye iyede, mearore jíyurduyh úre. ⁹ Ùbenita yópe ar, yure mearore jicjemeteame úre:

—Que dabejach mu. Yu máre memecayhbu Jmenijicare mpedeca aru mívupe páyu máre, ina Jmenijicai yávaiyede coyucaipeva, aru nápe paivu máre, caivu ina me jápiar ju aivu caiye iye toivaiye bquede itucubo paperatucuboi. Que baru maje jaboch Jmenijicare cináchra mearore jíjach mu, áme yure.

¹⁰ Aru yópe ar, coyuáme yure cojedeca:

—Joabejnotamu vaiquino yópe iye toivaiye bquepedeca ditucubo paperatucuboi. Que baru yavebejach povare jocar caiye iye Jmenijicai yávaiyede coyucaiyede toivaiye bquede itucubo paperatucuboi. ¹¹ Dinmre caiye iye nope vaiquínmre, ácu poech ámech baru, ámenore dare niye javu úre. Aru ácu poech ámech baju baru, ámeno bajure dare niye javu úre. Ácu poech meach baru, mearore dare niye javu úre. Aru ácu poech meach baju baru Jmenijicare ñi memecaiye boje, mearo bajure dare niye javu úre, áme yure ñai ángele.

¹² Bedióva cojedeca Jesus, yópe ar, coyuáme:

—Jjach. Maumejiena dacuyumu yu. Davachumu caivu povare ne bojede, bojedacuyu caivure yópe ne daiye bquepe nare coapa. ¹³ Yurecabu mamarmcach aru yóbocach máre. Yurecabu cuch bach caiyede cedaquiye jipocai aru cuchyu caiye ciníburu yóbore. Aru yurecabu

búyu bácu, bubayu máre. Que baru cavu yu Cainamua.

14 "Torojurājarama caivu ji meadaimara ne ãmene jarvaiye báque boje yópe ne jarvaiyepe docare ne joaiyede ne cuitótecajeare. Nárecabu ãicõjeimara márajivu dicu jocucu apure daicu jéiduare. Aru nárecabu ecoicõjeimara márajivu no ïmaro jedevacobeai. **15** Ubenita no ïmaro jedevai mauteñajarama caivu ina ãmena baju, ina yaviéde ñaivu, ina ãmeina ñaivu apevuque némarebucuva ãmevuque, ina põevare boaru jaruvaivu, ina mearore jívu pêpeimarare, aru ina borocuri jujobaiyurivu apevure máre, áme Jessús.

16 Aru yópe aru, coyuáme Jessús cojedeca:

—Yu, Jessús, darocacu ñai ángelede, ñi coyuquiyepe ayu caiye iyede mujare, yure ju aivure, muje cójijinoai. Yurecabu ñai jabocu David báci pâramecu. Aru yurecabu ñai abiácoru pêoñu miadáre dayu, áme Jessús.

17 Ñai Espíritu Santo "Dajacu", ayube Jessure. Aru ico ovejaíchi márepaco "Dajacu", adobe Jessure. Aru caivu ina jápiaivu diede "Dajacu", ajaruri na máre. Yópe cûiñóimara ne pare ñcuiyuepe ocore, nopedeca muja nñiyurivu baru Jûmenijicu curoi, pare ujaru Jessure. Útame yópe oco apure ñaiocope. Caivu áre urivu Jûmenijicu cure daimara marajárama ñi curo mearoi Cainamua bojecubeda.

18 Yu, Juan, mearo ñaicõjeivu paredeca caivu ina jápiaivure caiye iye Jûmenijicu yávaiyede coyucaiyede toivaiye báquede itucubo paperatucuboi. Põecu ñi toivaru apejuene

epechu iyeque, Jāmenijica pheno baju ñájine dachyume áre iye ñájiovaiyeque, coyhiye báquede ditucubo paperatucuboi. ¹⁹ Aru poecu ái táreni jarhvaru apejhene itucubo paperatucuboquede, iye Jāmenijichi yávaiyede coyhcaiyede toivaiyede báquede, Jāmenijicu áre áicojemehyume aphre daijochu jéidhare. Que baru me cárí buojabechyume Jāmenijicuque cainhmua. Aru Jāmenijica cuicojemehyume áre no ñímaro mearo bajure. Dicu jocacurá aru diñmarora máre coyhino mateává itucubo paperatucuboi.

²⁰ Ñai caiye diede coyhyu aibi:

—Maumena dachyumu, aibi.

Que bajaróri. Mu, maje jabocu Jesús, dajacu.

²¹ Maje jabocu Jesucristo mearo dacajacárí mujare bojechbeda ái me boje. Quédecabu. Quénoramu.

Majepacʉ jūmenijicʉ yávaiye mamaene coyʉitucubo

New Testament in Cubeo (CO:cub:Cubeo)

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cubeo

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

lxxx

please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files

dated 29 Jan 2022

dbd749ed-4c37-5cd8-b20e-caf1f8ff5885